



驗方宣秘

鄧志署

驗方宣祕序

存心濟物之士。當其在位。固能高舉廣運。開物成務。而伏處邱園。亦未嘗不以兼善人己。推恩及物為事。蓋其襟抱所存。非僅以燕處超然。自潔其身而已。儒者敬敬焉。以天下為事。而二氏之學。若有異趨。雖然。釋家大乘經典。無不以功德迴向眾生為會歸之極。老子之言。亦多為天下混其心。非忘情於家國者。下至玄經丹訣。鍊炁飛昇。松影幽壇。空山寂靜。求長生久視之道。亦期人減少物慾。不爭逐於塵勞。以斷喪其生機。方便為人。道固有在也。人與人相接於無盡。人我之利不可兩離。知此者可以適道矣。順德賴逸甫先生。有聲儒林。且嫻軍旅。而抱璞守貞。隱居羅定。對於地方公益。知無不為。提倡蠶桑。扶持正教。辦團勦匪。保障一方。隱然為鄉里重望。近歸道山。其平生

功績已為一方人士所耳熟能詳。先生固好道家言。又長於醫。曾出其精心實驗之所得。著驗方宣秘一書。歲膏肓。起廢疾。亦與素抱痼瘵之懷。初無二致。其裨益世人。良非淺鮮。道者群謀。以先生此書付諸梓人。刊布於世。而屬余一言。以弁諸首。余不知醫。而以所感於先生之行身立己者觀之。知此為其末務矣。自世之衰。而多巖穴幽棲之士。以隱為高。蓋其褻裳脫俗。自潔其身。志之所尚。固不可以一端論。然而周易有云。屈夔之摯。以求伸也。則知飛潛之由。亦各有其時義。今者蒿目時艱。端居念遠。聞先生之風。或有興起者歟。

民國二十二年三月吳川李漢魂謹序

自序

嘗聞人之立身行己。居家處世。非有定識定力。難免不隨流俗所轉。予幼讀家譜。獲諦始遷祖布衣公。嘗語人以人生不必泥于仕宦。為功業。凡有可以濟人利物者。即皆功業云。予由是猛然覺悟。而擇是替非。凡值喫虧受屈之境。予以償諸前生怨債。而設想之。凡叨傲幸便宜之遇。予以他日循環所及。而憤慮之。矢積善自可光前裕後之志。而灰奮要利祿。以揚名顯親之心。人之看謾說。以資談柄。予則宣果報講善書。而適之。移彌月所浪費者。為育嬰放生之舉。哀壽誕所虛糜者。為矜孤恤寡之用。先渚婚嫁之奢。而多教讀。力裁忌辰之宴。以修墳塋。僭使臧獲之所需。以寘蓬室。減捐賽會之資財。而助賑濟。有學游藝之能。宜學風水。有建花園之力。務建宗祠。手澤先芬。校

玩器而尤寶。壽文行狀。當字畫以益珍。矧予見人罹災遘患。因病咨嗟。恨不得有以給其所求。而即脫其所苦。奈乎迷于流俗之徒。每每居奇醫方。以圖射利。貧乏者力難滿其所欲。雖求之甚殷。其終殘忍膜視。甚矣。故作危言。詢嚇病者。勒券索謝。然乃用藥。予見聞及此。輒等芒刺在身。爰是奮心孤注。而搜牢居奇者所祕之著名驗方。以期方便于世。而補官方之所未及。凡諸立法未純。或他方出乎其右。或方雖應効。但其間微有流弊未臻盡美者。予皆寧闕無濫。是恐虛延時日。憐之適以累之也。予自橐筆以謀菽水。棟極數省。凡訪聞及者。無不彈力購求。凡搜牢獲者。無不廣行傳布。二十年間。徵獲內外驗方二百餘條。輯為二冊。名曰驗方宣秘。見之覺乎平淡無奇者。亦皆屢奏奇功。雖處萬死一生之候。按法施治。無不起死回生。屢試屢驗。

欲付手民以公諸世。自慚矻矻未逮。故傍傍然以待將來。但而今而後。獲此方者。勿視奇貨可居。勿隨流俗所轉。惟願遇人欲而循天理。去繁文以務實濟。蓋己能利濟于人。天方利濟于己。己如刻薄。天亦寡恩。定此識力而盡濟人利物之心。未必不無少效焉。

順德賴鳳韶逸甫氏自識



### 刊刻驗方宣秘紀畧

我國醫學發明最早。蓋本草始自神農。難經肇於黃帝。厥后歷聖相承。治療之法寢脩。是故三代以上。民無夭折。世多耆壽。迨及漢季。長沙繼起。遂集大成。傷寒金匱。為世津梁。降至唐宋。斯道漸晦。推原其故。大抵國學缺此專科。政府尤乏獎勵。且之世道日陵。公德日替。而先民經驗良方。又復愈傳愈秘。理或然也。近今西醫氣鼓。屢肆排擠。

而用夷變夏之議。東海病夫之誚。蒙此厚誣。大辱吾國人。能不痛心。亟思努力與之奮鬥者乎。家瑞不敏。有鑒於此。乃檢查先君子遺稿。輯有驗方宣秘一書。早歲因厄於經濟。固屢刊不果。溯此書乃先君子積數十年苦心。不惜重資。廣搜博采。編輯成帙者也。今自愧無力。不能克承先志。迫將茲稿。謀之友誼。蒙茂名鄧君祉晉慨然負責。暨各同志樂為勦成。遂付棗梨。以公諸世。然值茲科學競爭時代。我國醫界偉人蔚起。昌明國學。超越前古。豈乏其人耶。僅此數帙。固不足為中醫後盾。第陶士行之竹頭木屑。不無小補云耳。

啓

民國二十二年桂月穀日男家瑞百男氏謹識





凡例

一是書所載各方。悉從購采。得諸秘傳。用之對症。效如桴鼓。確有徵驗。誠為救世鴻寶。閱者幸勿以尋常坊書視之。

一是書分別門類。眉目極清。語求顯淺。不計煩冗。即不知醫者。臨時查閱。莫不明瞭。最便世用。

一是書雖不及驗方新編之脩。而神奇則過之。閱此參彼。誠為合璧。一是書於世間應驗秘方。固未敢謂搜羅無遺。即於各種病症。亦多未備。祇實事求是。盡罄所得。至濫收杜撰。則無之。

一是書不專板權。期於濟世。翻刻售送。無任禱祝。更希望於海內君子。增而廣之。以補茲闕遺。則莫大幸焉。

驗方宣秘卷上目錄

統治蠱脹神方 共二十二方

統治花柳疔魚口便毒之兩炷香方

救治麻瘋方法 共二十四方

統治疔疔魚口便毒藥方 共十三方

治鵝頭疔良方

敷魚口便毒良方 共三方

治白濁良方 共五方

小腸疝氣方 共七方

治療瘰及諸般惡毒癰疽大瘡秘方

脚底生石疽方 共二方

統治各種蠱脹良方 共二方

統治喉蛾喉痺各種險症 共十二方

疔症九種辨 共十四方

抽出花柳墜毒良方

治疔疔毒外洗必效方

治血淋極妙方

小便沙淋極妙方 共四方

療瘰全科 共十八方

乳癰乳巖方 共七方

生蛇頭指方 共九方

脚背瘡久不收口名曰蟾鑽又名仰口瘡方 脚生雞眼方

瘡科去癩生肌方 立止癰疽痛苦方

潰爛諸瘡久不收口方 小兒瘡癤簡妙方共三方

回瘡丹共二方 脚指頭生瘡方

生老鼠瘤方 生過頭蛇纏身蛇必效方

天白蟻方共二方 羊毛絲疔方

治癩妙方共二方 製狼毒油法

劈腦疔方 禿頭瘡方

小兒誤吞銅錢及各銅物方 小兒誤吞針方

小兒誤吞鐵物方 治小兒鎖喉風之萬應散方

治小兒百病之雞蘇散方 小兒急驚方共三方

小兒急慢驚之外治方

小兒疳積傷眼藥散方

產後腸出不收方共三方

燥癆方

產後房勞方共四方

房癆傷寒方共十方

預治產婦中風氣厥良方共三方

驗方宣秘卷下目錄

統治百病英神普救丹

反胃神方

風火牙痛方共四方

小兒疳積散共二方

鮑學台種子方共六方

胞衣不下方

金山寺婦科種子丸

撞紅方共六方

婦人血龜方共二方

久病發呃氣逆將脫之危症方

固齒良方

脫患牙方共二方

頭風頭痛方

發難盲方

睛光盲方

雙目忽然失明方

絞腸痧方 共三方

急救霍亂抽筋方 共三方

霍亂吐瀉方 共三方

救急吐瀉腹痛時症方

噤口痢方 共二方

痢疾初起方 共三方

救氣厥暴脫中風中痰等急症方

痧症藥丸方

氣痛方 共三方

止痛散方

噎膈奇方 共四方

哮喘良方 共四方

骨梗卡喉方

黃腫丸

黃疸症方

頭面手足浮腫方

經驗癰疾方 共四方

風癩方

治出痘黑陷方

救饑仙方共三方

癩狗咬傷方

辨別何種蛇傷

蜈蚣咬傷方

誤食砒礞良方

治諸般酒患方共五方

祈公百歲酒方

諸葛行軍散方

金液丹

大丹

行路不渴方

戒鴉片煙方共三方

毒蛇咬傷方共四方

蛇咬藥方歌

誤食蜈蚣溺方共二方

治酒龜良方

孔聖枕中丸方

七釐散方

單砂獨寄飲方

保命延壽丹

中丹

三黃丹

五福丹

全真丹

草神丹

霹靂丹

平胃丹

桃花丸

兔絲子丸

驢膠丸

溲濕丹

萃蓋散

四神丹

紫金丹

來復丹

薑附神丹

救生丹

鹿茸丸

珍珠散

厚腸丸

八仙丸

朮附丸

當歸柴胡湯

祛風散

知母黃芩湯

四神散

平肝散

補肝丸

蜜蒙花散

柳青餅

孫真人七製香付丸

大蓮杞子丸

跌打萬應方 共二十方

震軍起炮彈方 共二方

大通湯

歸身白芍湯

知母散

還睛丹

撥雲散

丹砂丸

鍾乳粉

蓮杞養心湯

治跌傷筋骨良方 共四方

千金保孕丸

火燒湯滲損傷方



刀傷止血方 共三方

治多年腐肉不能生肌方 共三方

被毆傷風方

統治刀傷跌打之回生丹

跌打培養備用諸方 共八方

起銅鐵磁器入肉良方

接骨妙方

萬應膏藥方

驗方宣秘卷上

粵順德賴鳳韶逸甫著

晚生茂名林巽權編訂

後學古瀧

莫文鑑

全校

張法文

統治蠱脹神方

凡患蠱脹者。在其腹上按之。有窩則易治。脈細臍凸則屬難治。若犯五絕者。尤難治也。何謂五絕。蓋面黑為肝絕。手無箕斗紋為心絕。肩縮為肺絕。腳腫無血為腎絕。臍凸為脾絕。犯此五絕者。至危險也。若能信服此方。仍為可救。但須依方製藥。不可加減。服藥尤須依時。倘有參差。恐難獲效。蓋藥性所到。必與人身血脈之開合相值。方能去病。所以有一緩一急之微妙也。如或服此方後。忽見

頸強忽見肩背腫脹。或見心性。或見下身微腫。此即藥到病出之喜兆。切勿疑為加病。凡服此方。必須戒絕鹹味百天。總宜淡食。而鹽醋均當戒至病痊。服開鹽散之後。方可開戒。凡人須顧念性命為重。切勿因口傷身。所有魚腥。麵麥糯米。生冷煎炒等物。均宜戒絕。所宜者。用瞿麥煎湯代茶。用蓮藕馬蹄旱芹陳皮煲豬肉湯送一飯。每日所服之藥。均宜煎渣服。

### 第一日服方

是日戒食葷油

白朮

二錢半  
土炒

陳皮

錢半

土茯苓

錢半

蘇葉

一錢

法夏

一錢  
姜汁炒

木通

一錢  
酒炒

雲苓

二錢半

大棗

三枚

老生姜

一片

水煎服

小便必長

### 第二日早晨服方

是日不忌葷油

白朮

錢半  
土炒

陳皮

錢半

生薑

三片

土茯苓

錢半

雲苓

錢半

砂仁一錢 去皮 青皮一錢 醋炒 右共煎服

第二日午時服方

白朮錢半 土炒

法夏錢 薑汁炒

黃芩八分 酒炒

砂仁一錢 麩炒

草果一錢 去皮

豬苓錢半 忌鐵器

木通錢

蘇葉八分

水煎加入沉香末三分服

第二日晚間服方

豬苓錢半 忌鐵器

瞿麥錢

川樸八分 薑汁炒

澤瀉錢

砂仁八分 去皮

茯苓錢

枳實錢

白朮錢 土炒

黃耆錢 炒

白芷八分

香附錢 醋炒

烏藥八分

法夏錢 薑汁炒

麥冬錢 忌

水煎加入磨沉香末四分服。

第三日早晨服方

是日不忌葷

木香一錢 后下

蘇葉一分 炒

草果一錢 去皮

法夏錢 薑汁炒

白芷八分

驗方宣秘 卷上 統治蠱脹神方

砂仁八分 去皮

蒼朮一錢 米汁炒

白朮錢 土炒

川樸八分 姜汁炒

黃芪錢 炒

陳皮八分

丁香三分 打

水煎加入磨沉香末五分服

第四日早晨服方

是日不忌葷。按此方與前同。

木香錢 后下

蘇葉一分 炒

草果錢 去皮

法夏錢 姜汁炒

白芷八分

砂仁八分 去皮

蒼朮錢 米汁炒

白朮錢 土炒

川樸八分 姜汁炒

黃芪錢 炒

陳皮八分

丁香三分 打

水煎加入沉香末五分和服

第四日午間服方

是日不忌葷

雲苓一錢

木辰一錢

香附錢半 炒

青皮八分 醋炒

歸身一錢 酒炒

澤瀉錢

白朮錢半 土炒

砂仁八分 去皮

川樸錢 姜汁炒

木通錢

黃芩八分 酒炒

陳皮八分

水煎服。

第四日夜五更時服方

白朮錢半  
土炒

腹皮錢  
酒洗

陳皮錢半

木通錢

藿香八分

枳實錢

法夏錢  
薑汁炒

香附錢半  
醋炒

麥冬錢  
去心

枳殼錢

雲苓錢

蒼朮錢  
米汁炒

木朮錢

白芷八分

水煎加入沉香末五分和服。

### 第五晚四更服方

雲茯二錢

白朮錢半  
土炒

陳皮錢

木通八分

法夏八分  
薑汁炒

蘇葉八分  
炒

香附八分  
醋炒

木朮八分

川楝一分  
薑炒

砂仁八分  
去皮

枳殼八分  
薑汁炒

水煎服。

### 第六日早晨服方

是日不忘葷

法夏錢半  
薑汁炒

瞿麥錢

木朮錢

黃芪八分  
炒

木香八分  
炙

蒼朮錢  
米汁炒

砂仁錢半  
去皮

蘇子二分  
炒

水煎服。

### 第六日午時服方

白朮錢半 土炒 豬苓錢半 去皮 木香一分 后下 茯苓錢 陳皮錢 澤瀉錢

水煎服。

第七日午時服方 是日不忌葷

白朮錢半 土炒 豬苓錢半 去皮 木香一分 后下 茯苓錢 陳皮錢 澤瀉錢

水煎服。

第七晚間服方

白朮二錢半 土炒 法夏錢半 姜汁炒 木瓜錢 木通錢 枳壳錢 陳皮錢  
木香八分 后下 雲苓錢半 蘇子錢 瞿麥錢 枳實錢 篇蓄八分

水煎服。

第八日晚間服方 不必忌葷

豬苓錢半 去皮 澤瀉錢 白朮錢半 土炒 瞿麥錢 葶歷錢 木通錢

陳皮錢 雲苓錢 水煎服。

第九日早間服方 不必忌葷

白朮錢半 土炒 雲苓錢半 陳皮錢 蘇子燻 木香八分 下 水煎服。

第九日午間服方

萊菔子錢 雲苓錢半 陳皮錢 砂仁錢 木通錢半 石榴皮錢

香附錢半 醋炒 尖楨錢 蘇子錢 炒 枳壳錢 水煎加沉香末八分和服。

第九晚間服方

白朮錢半 土炒 陳皮錢 茯苓錢半 猪苓錢半 澤瀉錢半 燈心十條 每條約六寸

水煎服。

第十日早晨服方 不必忌葷

白朮錢半 炒 白芷八分 香附錢 木通錢半 雲茯苓錢半 木香八分 下



第十日午間服方

砂仁錢 去皮

陳皮錢

川樸錢 姜汁炒

蘇子錢 炒

法夏錢 姜汁炒

水煎服

白芷錢

白朮錢 半 炒

香附錢 炒

法夏錢 製

陳皮錢

枳殼錢

木香八分 后下

木瓜錢

桑白錢

枳殼錢

木通錢 半 青皮 錢

蘇子錢 炒

麥冬錢 半

砂仁七分 去皮

水煎加入沉香末八分和服

按以上十九方。如照方按定時間。連服十日。若因病症太重。尚未痊愈者。須再服一周。則必全愈。如既見功效之後。必須再服緊皮丸以善其後。服完緊皮丸之後。則必神氣健旺。即隨服開鹽散。既服完開鹽散之後。可以隨漸食鹽醋矣。

緊皮丸

大生地兩

赤茯苓兩

破故紙兩

青皮兩 醋炒

蒼朮二兩 姜汁炒

陳皮兩 半

雲苓兩 莪朮醋燻麥芽兩 法夏兩神曲兩 木通兩

車前子兩 澤瀉兩 川楝兩半歸身兩

右共研末。麵糊為丸。桐子大。每早晚用此丸五錢研末。用

代參膏調服。或加人參壹兩。入於丸內。則無須代參膏矣。

### 代參膏方

能治九種氣痛

玉竹二斤 防風二兩 炙芪一觔 枇杷葉六兩 天冬八兩 元肉十二兩

天麻十二兩 濕紙包煨熟切片酒浸一夜 杞子十二兩

右藥共煮水。去渣再煮成膏。即加入煉蜜十二兩。和勻收

貯。以調緊皮丸服。並須戒生冷麵滯等物。

### 開鹽散方

白朮八分 蒼朮八分 麝香五厘 食鹽兩

共為細末。用鯽魚二條。剖去腸肚。將末納入魚內。濕紙包固。先放入灶灰煨至熟透。取出。再以新瓦焙乾研末。每早晚以白滾水調服一錢。服完此散。即可食回鹽醋矣。

統治各種蠱脹良方

不忌鹽醋

取獨顆之蒜頭。如病者之年歲計之。每一歲用蒜頭一隻。多少即隨其歲數為定額。將蒜頭剝去其皮。用好甜酒和白酒蒸至熟透。取起照法食之。如在夏月。宜露一宿。然後溫熱食之。如在冬月。即取起乘熱食之。食後大便自然放出虛氣。隨即疴出穢物。其脹自然漸消而全愈矣。一服斷根。永無復發。至蒸時以酒浸過蒜面為度。甜酒用十之六七成。白酒十之二三成。此誠必效之良方也。

又方

滕黃三錢。冰片二錢。琥珀三錢。真珠一分。百草霜五分。右五味。研末。煉米糊為小丸。陰乾。忌晒。早晚每服五六丸。米湯下。服後見微瀉。便見效。如瀉多。則減少二三粒。不見瀉。可加服二三粒。服完一料。未全愈。可照方再製。服至全愈為止。愈後宜服健脾胃藥。可保不復發。方內藥雖貴。惟功效奇靈。真仙方也。

統治花柳疔魚口便毒之兩炷香方

麝香二分。水銀三分。青荖葉二片。敬神之綠香兩枝。去其竹骨。淨取香粉。連前藥共研極幼末。加入飯米。再搗爛。搓成丸子。如黃豆大。即做吹洋烟法。取鋼針一枝。刺一枚丸子。向油燈火上烘之。勿燒着火。俟烘出氣味時。病者即以鼻索其氣。隨烘隨索。至丸枯無味。即換過一丸。照法烘之。丸盡。患除。誠萬善之方。幸勿忽諸。

統治喉蛾喉痺各種險症方

方用蜘蛛窠和生切熟烟絲各取一半以紙捲成條如呂宋之馬古烟樣用火點着與患者吸其烟氣入喉薰其患處登即或消或穿而告全愈此誠良方也至此蜘蛛窠即蜘蛛所結以安身者其樣如錢大密如豬肚棉在牆角門背枱板底各暗處結之至烟絲即須取生切者若是普通售賣之熟烟絲則有大油梘水土硃坭等質不可用矣宜慎之。

又方

凡遇喉間初覺有窒礙脹滿刺痛時即取食鹽搓於手掌心處搓至鹽乾則換新鹽搓至數刻時間自然告愈此奇方也。

又方

生燈心草數条。人之指甲。將燈心草纏緊指甲。就火灼至黃色。即研成幼末。再用臭虫(即木虱虫)十箇。並搗為幼末。以銀管吹入喉內患處。自然吐出膿血痰沫。隨即全愈矣。

又方

大蝸牛虫十餘個。(即旋螺虫也)連壳洗淨。將蝸口仰向上面。每個入鹽少許。即有涎沫流出。將此涎沫與患者口中含之。片刻即愈。

又方

法用老莧菜樹身。煨存性為細末。用料罇收藏。凡遇鷺喉喉痺喉疔等惡症。將該莧菜末調冰片少許吹入喉內。瞬息間其疔穿潰。吐出毒膿毒血。其病如失。但該莧菜種成木質為佳。此方統治一切喉症百發百中。

又方

用盤底之臭蟲。俗喚蟹豬者是也。百草霜。即燒草之鑊底火燂煤也。將該兩味搗爛。放鍋內炒焦。以烹至沸騰之水兩三碗煮之。加水片二分和勻而服。立刻見效。

又方

用苦地膽草搗爛。加七月七日收貯之水調勻。頻頻飲之。藥可到腹。雖死亦可回春。但該草乃取生者為佳。

又方

用木樨子之櫛。去殼加生鹽與櫛同重。研末吹入喉內。吐膿則效。

又方

用薛荔子之仁研細末。加硼砂冰片和勻。吹入喉內。吐出膿血。其

病輒痊。倘遇吹藥不入之危證。可用廣州府人所吸之熟烟筒。硃出其煙油。調水灌之。則效。該煙油俗呼熟煙屎者是也。

又方

用紅色蜻蜓煨存性研末。加冰片少許。吹入喉內。則效如神。

又方

硃砂五分 冰片五分 硼砂五分 乳香五分 青黛五分 人中白五分

蜘蛛腿三分 桑螵蛸二箇 存性

右藥八味。共研為散。凡遇喉疔喉痺。及雙單鵝喉等證。將此散吹入喉內。瞬息間。吐膿則愈。

救治麻瘋方法

凡藥無不可以治病。有病即無不可以藥治。此誠事勢相因之至



理。斷無或爽者。但其中有遇有不遇者。實由人之福善有隆殺耳。苟其人積有厚福。則雖抱危疾。自必遇明醫良藥。俄刻回春。苟其人德淺福薄。則雖是小恙。亦必為庸醫所誤。由小而變重。變逆。蓋凡病初起之時。究無定形。其輕重生死安危。專視夫用藥者之識力如何耳。夫痲瘋一症。舉世均謂無醫。任其自生自滅。在醫者固不敢輕易施治。在患者亦不望治。直若凡有患此症者。即已無生路。其然豈其然乎。豈知斯疾之發生。乃天地施之以警世者。冥冥之中。既因其人之福善淺薄。生斯惡症。又安能幸遇明醫良方。以愈斯疾。即或有明醫。握有良方。亦因深知斯疾之起因。冥冥中具有深意。亦不肯輕施其道。更不肯濫傳其方。故凡患有痲疾者。鮮遇明醫良方。所以多成為終身不治之症也。然天地間。凡有是病。

必有是藥。惟人必須廣種善緣。始能遇此奇方良藥耳。予初聞許道元先生有良方。可治瘋疾。始不甚信。繼知吾鄉田界坊陳君漢韜。獲其衣鉢。曾親見其救治多人。愈後所生之兒女。亦無他患。方信瘋疾。究非不可以藥治。而禍福無不自己求之者。斯言尤為不誣也。陳君獲此良方。固擇人而傳。尤擇人而醫。凡篤信而未好善者。或好善而未篤信者。不但不肯出其方。且諱不知醫。予友見其方之神奇。求之極誠摯。猶且叮嗛再四。並令宣誓。始獲傳授。予友獲傳之後。試無不效。足稱為希世珍。乃樂予之誠摯。備述陳君叮嗛之意。轉授於予。他日凡有求醫者。尤當仰體陳君及吾友傳授叮嗛之深心焉可。

(一)瘋疾心經受病者。脚底必先穿爛。眼必流水。遍身見桃花斑色。

(一) 肝經受病者。四肢及周身均起雲朵模樣。或紅或白。每逢春三  
月。秋七月。各發一次。

(一) 脾經受病者。聲音必喎。身發班痕。或滿身溼毒。形如蛇床。脚底  
常流黃水。

(一) 肺經受病者。眉毛先落。偏身發紅。癬而作瘡。面如打傷模樣。

(一) 腎經受病者。口眼歪斜。手足拳攣。滿身發怪熱。大小生成塊。紅  
屬血虛。白屬氣弱。名為桃花瓣証。

(一) 胃經受病者。脚底先穿。常流膿水。

(一) 凡五經受病者。藏諸內而不露諸外。常見痰多內熱。鼻中出血。  
四肢筋脉無力。手足難動。而軟弱痲痺。

(一) 六腑屬陰。五臟屬陽。凡治痲疾。必先審確病由。按經用藥。自可

應手取效。

療瘋湯此為主方

生地 蟬蛻 黃芩 蘇木 滑石 角刺 黃柏 牛膝

防風 木瓜 銀花 生軍 草節

右共十三味。每用三錢。研幼末。每早晚空腹服三錢。服至十日。每服二錢五分。如日久覺得口熱鼻嚏。則停服三日。俟熱退再服。

沒藥丹

雄黃五錢 血珀三錢 硃砂三錢 真珠一錢 牛黃三錢 田七二錢  
麝香五分 紅花三錢 夷茶五錢 冰片二錢

共研幼末。以茶調服。如症輕者或可減半。凡服此丹者。先十日宜服湯藥一劑。服完十日再服湯藥二劑。然後服各方藥。便易奏

效。因此丹係引其毒歸一處。務須戒口。凡百不可亂食。即糖果芽菜等。亦宜少食。若服完此丹。繼服療瘋丸。

療瘋丸

炙甲兩

蒺藜五兩

胡麻五兩

大黃兩

川樸五錢

苦參五兩

黑丑兩

羌蔚子兩

樸硝兩

川續斷五錢

荆芥三兩

白丑兩

白芷兩

桃仁兩 去皮

瓜蔓仁兩

防風二兩

歸尾兩

紅花兩

桔梗兩

白芍兩

百草霜兩

梔子兩

蜂房五錢

浮萍兩

蒼朮兩

柴胡五錢

紫草兩

大麻仁兩

甘草兩

蘇木兩

土茯苓兩

楓子肉六兩 蒸熟

共藥三十三味。另加引藥。共

研為細末。煉蜜為小丸。每日空腹服三錢。以茶下。

所應加藥引列后

正月加多楓子肉五錢疾藜兩 二月加多楓子肉四兩疾藜錢

三月加多楓子肉二錢疾藜兩 四月加多楓子肉四兩

五月加多楓子肉四兩 六月加多楓子肉六錢

七月加多楓子肉五錢 九月加多楓子肉四兩

十月加多楓子肉五錢疾藜兩 十二月加多楓子肉八錢

脾經受病者加白朮二錢 腎經受病者加破故紙兩硃砂五錢

肺經受病者加黃芩兩 桔梗五錢 瓜蒌仁兩去油

面上腫者加白芷二兩 川續斷兩

六腑受病者加靈仙五錢 川續斷二兩 製首烏二兩

周身浮腫者加蒼朮兩半 脚底腫者加牛膝兩

偏身肉腫者加乳香四錢 去油 沒藥四錢 去油 骨痛者加虎骨一兩

眼腫眉毛脫落者。加蒺藜一兩。胃寒者。加熟附子一兩。

人虛兩手虎口肉消瘦者。加人參白朮茯苓各一兩。

身麻痺不知痛癢者。加歸身一兩。

唇翻眼腫者。加蒺藜二兩。鼻冷者。加藁本硃砂川連各一錢。

眼黃聲啞者。以瘥為度。未瘥即再服。

凡春令。加連軹二兩蒼朮兩。凡夏令。加川連薄荷各二兩。

凡秋令。加白朮蒼朮各一兩。凡冬令。加天台烏藥二兩。

凡胃經受病。脚底先穿。服藥效者則可。如未效者。加牛膝一錢。

凡眼腫者。加蒺藜五錢。如未瘥者。再加牛黃五分。以愈為度。

凡肺經受病者。面紫起皴。加歸身兩。如未瘥。再加郁李仁五錢。

凡脾經受病者。先眼目受傷。如服藥未效。再加蒺藜兩。郁李仁五錢。

右方各藥以陳倉米調糊為丸更妙。凡服者須戒食牛羊豬頭肉。及一切發物。既服此丸之後。宜服欽絕斷根丹。

### 欽絕斷根丹

木灰二兩 蟬蛻二兩 川芎二兩 白芷二兩 歸身二兩 犀角四錢  
牛黃五錢 藁本兩 羶羊五錢 硃砂三錢 蠶沙兩

右共研幼末。以茶調服。

### 外搽藥散

川槿皮三錢 口磨菇四錢 錫粉五錢 胡椒三錢 蜂房三錢 楓子肉四錢  
密陀僧兩 沙薑五錢 硃沙燬 皮烟三錢 蛇牀子五錢 白附片五錢  
水銀四錢製 牙硝一兩 沒藥三錢製 樟腦片兩 乳香三錢製 川連五錢  
敗毒四錢 炙串五錢 白礬兩 膽礬五錢 蟾酥一錢 血竭五錢



頭服治瘋湯

冰片一錢 蟹螯一錢 麝香一錢 以上共研幼末。用薑米醋調

搽後服頭服治瘋湯。隨按次第服之自效。

### 頭服治瘋湯

楓子肉三錢 苦參三錢 荆芥錢半 歸身二錢 蟬蛻二錢 酒生軍錢

川芎錢半 全蝎錢 樸硝二錢 防風錢 薑活錢半 牛黃五分 研沖服

右共水煎服。連服七劑。再服第二方。

### 二服湯

三年老生雞一隻 白鵝一隻

右共煨存性研末。用酒送下。服盡為度。

### 三服湯

黑丑三分 白丑一錢 桔梗三分 歸身一錢 生軍一錢 樸硝一錢

牛膝一錢 麝香二分 葶麻仁肉三分 右共研幼末。用茶調服。以  
通大便而瀉毒。宜用新瓦盤載之。以蜆壳灰二觔醃之。另  
用米醋一捏煎熟洗身。

### 四洗方

銀花兩 枳壳兩 紅花三錢 防風三錢 夾茶兩 楓子壳兩  
連翹三錢 黃柏三錢 沒藥四錢 川樸兩 荆芥三錢 黃芩二兩  
生軍三錢 苦參兩 大艾葉兩 石膏兩 玄參三錢 共煎水洗身。

### 五服藥散方

蒼耳子二錢 全蝎二錢 蒺藜三錢 升麻一錢 殭蠶三錢 銀花五錢  
浮萍三錢 台烏二錢 白芷一錢 歸身四錢 白蘚皮三錢 牛黃一錢  
生地四錢 苦參四錢 蒼朮二錢 熟附三錢 牛膝三錢 琥珀五分

川烏<sup>三錢</sup> 右共研幼末。每早晚空腹服三錢。用茶送下。

### 六服九方

草決明<sup>兩</sup> 川芎<sup>三兩</sup> 白芍<sup>二兩</sup> 蒲黃<sup>五錢</sup> 生地<sup>二兩</sup> 炒殭蠶<sup>兩</sup>

雄黃<sup>二兩</sup> 大黃<sup>兩</sup> 牛膝<sup>二兩</sup> 麝香<sup>二分</sup> 白附子<sup>兩</sup> 琥珀<sup>三錢</sup>

蒺藜<sup>兩</sup> 蟬蛻<sup>五錢</sup> 角刺<sup>五錢</sup> 楓油膏<sup>四兩</sup> 木賊<sup>三錢</sup> 紅花<sup>兩</sup>

真珠<sup>二錢</sup> 牛黃<sup>三錢</sup> 銀花<sup>兩半</sup> 苦參<sup>兩</sup> 歸身<sup>四兩</sup>

右共研幼末。調米糊為小丸。每服三錢。白滾水送下。

初服救命丹 此丹與下列之掃毒湯兼服。統治一切瘋疾。及紅

雲血癩。俱皆靈效。因紅雲癩。亦在麻瘋之列也。

全蝎<sup>五錢</sup> 酒洗 蟬蛻<sup>五錢</sup> 川芎<sup>五錢</sup> 姜活<sup>一兩</sup> 荆芥<sup>五錢</sup> 歸身<sup>七錢</sup>

防風<sup>五錢</sup> 右研幼末。用楓子一觔。蒸熟去油研幼。和前藥加

糯米飯搗爛為小丸。如桐子大。每日服三次。用武夷茶送下。初服  
第一日。服一百一十五粒。第二第三第四第五日。每日加多十顆。  
至第六日。又由一百一十五顆服起。後又每日增加十顆。以五日  
為一輪。週而復始。如嘔吐不寧。或上旬有病。則宜暫停。改服掃毒  
湯三劑。然後照法再服此丸。如見病從下行。及病勢欲解未解者。  
亦宜暫停。改服掃毒湯二劑。然後照法再服此丸。凡服此丸百餘  
日者。無不見效。

### 掃毒湯

荆芥	防風	甘草	姜活	茯苓	川芎	白芷	連翹
陳皮	梔子	柴胡	黃芩	薄荷	川樸	升麻	白芍
蟬蛻	歸身	生地	楓子肉	人參	右藥每味一錢	水煎	

服。如肌肉潰爛者。加夷茶一錢為引。凡壯者三日一服。弱者五日一服。須乘熱服。以汗出為佳。

萬靈丹 此方專治各經瘋疾。功能斷根。永無再發。亦無後患。

川椒二錢 麝香一分 冰片一分 蒼朮二錢 川芎二錢 草烏二錢

皂角刺二錢 白礬二錢 麻黃二錢 白付二錢 馬前子兩去淨毛水洗七日 煮至黃色為度

右研幼末。分四朝空腹白滾水送下。

珠黃散 此方統治一切麻瘋惡疾。

珍珠錢半 牛黃錢 水片錢 麝香錢 雄黃錢 血蝎錢

川連錢 蠶砂錢 夷茶錢 蟬蛻錢 牛膝錢半 紅花錢

楓子膏六兩 右研幼末。每早空腹服兩茶匙。白滾水送下。凡

醫瘋疾。務須戒口。止可食瘦猪肉。或食白豆而已。凡一切毒物。及

生冷房事。統須戒絕。

### 浴汗方

楓子肉四兩 防風三兩 獨活三兩 浮萍一觔 姜活三兩

右共煲水洗身。用草蓆圍密水盤四週。令病人赤身坐於水盆之上。並用被蓋密病人之頭上。窩至病人汗出透時。該水漸冷。即從頭洗至脚。如有瘋虫走出。宜更換新衣服。洗後次日。宜服通神散。

### 通神散

川椒壳三錢 金銀花三錢 土茯苓兩 連翹三錢 蟬蛻錢半 陳皮三錢

甘草錢 皂角刺錢半 右共研幼末。每早空腹服三錢。白滾水下。

### 退紅消腫搽瘋散

生川烏三錢 水銀五錢 冰片一分 北杏兩 雄黃五錢 錫粉一錢

仲字救命丹

八珙掃毒散

膽礬三錢 草麻油四兩 麝香一分 松香三錢 右研幼末。加入礮

硃八分。以麻油加豬膽汁和勻搽之即效。

仲字救命丹 此方統治一切麻瘋惡疾。紅雲血癩。其效甚捷。

白花蛇一條 血珀五錢 貫衆五錢 蟬蛻四錢 殭蠶五錢 頭蜈蚣八條

白付五錢 生軍五錢 龜板五錢 苦參五錢 楓子肉二兩

雄黃五錢 山甲五錢 川連五錢 冰片三分 麝香二分 干漆五錢炒

血餘灰二錢半 右研幼末。搗飯米為丸。如桐子大。每早空腹服

六錢。以白滾水送下。至全愈則服八珙掃毒散。或四子會仙丸

收功。永無後患。

八珙掃毒散 此方治瘋疾收功之聖藥。

楓子肉四兩 蒸熟去油 牛黃三錢 血蝎三錢 真珠三錢 雄黃三錢 夷茶三錢

川連三錢 麝香三錢 冰片三錢 蟬蛻三錢 硃砂三錢

右研幼末。每早空腹以白滾水送服二錢。

### 四子會仙丸

菟絲子兩 杞子兩 牛子兩 荊子兩 槐米六錢 苦參六錢

蒺藜六錢 花粉六錢 右研幼末。加入雄黃六錢 三仙丹三錢

和勻飯米糊為小丸。如桐子大。硃砂為衣。陰乾磁瓶收儲。每早空腹用武夷茶送服七分。此丸凡疔疔及瘡毒潰爛日久不能平復者皆效。

### 皂角刺散

皂刺三觔。焙枯蒸一時之久。晒乾研末。每日飯後以大黃煎湯送服二錢。半月後從漸而愈。有一瘋人。雙目腫盲。眉髮俱落。鼻



樑倒塌。用此方醫好。

### 楓子膏

用大楓子數兩。去壳淨取仁。以銅鑊炒至三分紅色。七分黑色。取起研末。再炒十餘鎊。即攤放紙上。放於潔淨地面。以碗蓋之。候用配藥。

### 仙醫麻瘋救苦丹

此方乃神仙所賜者。瘋疾固能醫好。即疔魚口便毒。亦皆必效。毒淺者半料則痊。即瘋疾之毒未入骨者。服兩料便可收功。如瘋疾日久毒深者。服<sup>四</sup>五料亦可漸愈。若夫婦同染瘋疾。則先醫男。後醫女。方可斷根。

胡麻仁錢半  
川連錢  
黃芩錢  
木瓜錢  
黃柏錢  
炭藜錢半

牛膝錢 鍾乳石錢半 雄黃錢 連翹錢 歸身一錢 蟬蛻一錢

乳香錢 沒藥錢 三仙丹五分 琥珀錢半 牛黃錢半 兒茶錢

丁香錢 真珠七分 右共研幼末 飯米為小丸如菘豆大 硃砂

為衣 晒乾分四朝服完 三日後必覺牙肉腫脹 每日宜用武夷茶

二兩 甘草二兩 薄荷一兩 共煎水含之 使其引毒從牙齦流出 凡

有瘀黑似藍色之腥臭涎沫 即藥力之效也 日中宜食豬肉粥以

潤腸胃 毒始易出 或流五六日 或流八九十日 俟其流盡毒後 凡有

無毒之鮮魚 與一切有益而不燥濕之物 皆可食之 以為培養 如

黨參 煲豬肉 尤宜多食 照此以飲食培養至一二月 宜用救苦

丹方加倍 牛黃 珍珠 琥珀 三味 再製一料 仍分四朝服完 再搜其

內毒 凡內毒既輕 則其口流出之涎沫 必漸清漸少也 如生瘋太

久。殘爛太甚者。則止能醫好一半耳。

疔症九種辨

世人咸知瘋疾之烈。而不知疔患之慘。常見嫖客生疔。畏人知覺。以求急治。急效者。每被限日醫好之貪鄙庸醫。用藥引其毒歸匿一處。或用升打藥。強壓其毒不發於外。致病者信為全愈。殊不知疔毒之根株未除。則必貽害終身。或絕嗣而斷產育。或流毒於所生兒女。苟非頻產頻殤。即或顛狂殘廢。或數歲而夭。彼疔毒之貽害。豈不慘哉。故凡生疔者。既不可求以急效。致貽誤終身。亦不可徒用猛藥攻毒。致傷元氣。務須謹慎小心。選用良藥。醫至疔毒消除。根株淨盡。始無後悔焉。

(一) 梅花疔之起。朶起粒。有如梅花之形。頭平。日久則潰爛而常流

清水。宜用荊芥消毒湯。外搽三黃消毒散。否則煉三炷香治之。  
(一) 螺靨疔起在手足。如螺紋口樣。紅點漸漸多變為黑。頂起如豆。皮膚似酥餅之樣。宜煉三炷香治之。服荊芥消毒湯。否則服防風通聖散。或遺糧解毒湯。

(一) 珍珠疔形似珠圓。紅而漸密。宜先服荊芥消毒湯。或六味蒼耳丸。或平安丸。

(一) 乾疔初起。皮似印。痕如癬。隱於皮膚之內。久則發出有凸無凹。再久則漸爛。因氣血凝滯。宜用六味地黃湯。加蒼耳葉煎服。以潤之。

(一) 牛蔥疔初起。粗皮徧身鮮紅。初服荊芥消毒湯。次用六味蒼耳蠟丸。

(一)楊梅疔初起未紅。多從口角鼻旁先起。由少漸多。初起如飯粒。漸大如蓮子。常流毒水而氣腥穢。久則脫毛而變麻瘋。初服荆芥消毒湯。再服遺糧湯。以千斤散搽之。如勢猛則加三炷香。

(一)木棉疔初起口漸大而凸。頗似樹皮。亦有似麻瘋者。初服羊肉土茯苓湯。發毒尤甚。最忌風邪。恐至毒攻筋絡肉爛。至傷眼鼻。

(一)蛇皮疔初起粗粒。由小而大。徧身似蛇皮。不紅不溼。愈久則形愈粗。初服荆芥消毒湯。搽千斤散。煉三炷香治之。

(一)疔疔便毒俗人呼為三姊妹。宜照治疔法治之。惟便門左右之穴。宜從緩治。宜用純品之藥。毋求速效。毋以猛烈藥攻之。凡治疔皆宜發毒。尤當細辨虛實深淺。而顧元氣為要。

防風通聖湯方歌

宜加生薑生蔥頭

防風通聖大黃硝。

甘桔芎歸羌滑石。

表裏交攻陽熱盛。

加味遺糧方歌

加味遺糧湯木瓜。

蘇皮皂子靈仙等。

仙遺糧方歌

仙遺糧湯荆芷防。

茯苓薏苡靈仙膝。

平安丸方歌

芎歸耆朮與靈仙。

荆芥麻黃梔芎翹。

薄荷苓朮力偏饒。

外科瘡毒總能消。

芎歸防朮朮銀花。

木通甘草共參誇。

銀花花粉葛芎當。

甘草連翹苓煎湯。

蒼朮升麻荆防連。  
翹

薑活丹皮天麻黃 女加香付下數錢。

大便結加生軍。小便澀赤加豬苓澤瀉川烏。夏天加黃柏梔子。其分兩輕重。須隨人隨證而酌奪之。右共研末。春用米湯秋用酒水煉為丸。

荊芥防風消毒湯

荊芥錢 防風錢 木瓜錢 木通錢 白芷錢 川芎錢

牛膝錢 連翹錢 花粉錢 苡仁二錢 銀花二錢 土茯苓四錢

草節二錢 如在頭面加升麻水煎服。

三黃消毒散

葶麻仁 大黃 黃柏 黃丹 蜜陀僧

共研幼末。以桐油調搽。如治胎毒。用豬膽汁調搽。

三炷香方

硃砂錢

水銀錢

錫粉錢

雄黃錢

共研幼末。分為三股。用紙捲成香樣。分三晚蘸油燃着。對鼻薰之。但薰藥之時。必須口含冷水。庶不至傷喉牙。如水既含熟。再換水。含之。約薰三炷香之久。用被蓋頭而睡。一連三晚。照法薰之。

千斤散方

白砒霜錢半

瘦豬肉一兩

將砒霜研幼末。納入豬肉之內。以線縫密。用炭火煨存性。研末以搽之。最治結實之疔疔毒。

統治花柳平安萬應散

黃牛牙齒一副。以新瓦炭火煨存性。研為幼末。收藏應用。



凡治花柳各患。每服用此牙末三錢。加六一散三錢。白糖二錢。用稀粥調勻食之。如症重者加珍珠末五分。同服。連服幾次。自可全愈。或另服解毒湯數劑。則見效更速。此方經見曾救多人。

又方

皂角刺研末。每日用糯米三兩。煮粥一碗。和此末七錢調勻食之。如係單獨魚口便毒。止用此一味藥亦可愈。

治新染疔毒良方

生鴨一隻。先餓三日。取輕粉五錢。用豆腐兩塊。包裏輕粉在內。外用夏布包裹豆腐。放瓦甑內。煲兩枝香久。取起剝去夏布。用白米飯一碗。將此豆腐輕粉放入飯內。攪勻與鴨食之。俟其食完藥氣行透之時。即殺此鴨。去淨毛。去腸臟淨。煲熟此鴨食之。五日間其

病若失矣。但疔毒歸於臟腑。必須繼服後列之藥膏。掃清其毒。始無後患。

### 藥膏方

生土茯苓二觔。先煲半日。後加豬肉半觔同煲。再取

土靈芝

(即羊屎) 兩  
牙灰拌炒

蟬蛻

三隻  
去頭足

皂角刺五錢

金邊土螫虫一只

川椒壳五錢 金銀花三錢 臭龜板二兩 川連四錢 防參一兩 山甲珠五錢

生耆一兩 生地六錢

甘草節三錢

連翹五錢 槐角四錢

右連上共煲透取汁。渣再煎去渣和勻前汁再煎。將成膏時。加入煨鐘乳石幼末五錢。攪勻成膏服之。連服三料。其疔毒即除盡矣。

### 李氏治疔秘方

生川烏三錢

生草烏三錢

生川破石三錢

右研幼末。煉蜜為小丸。如米粹大。每日服一錢。以土茯苓湯送下。連服三日。疔毒必去淨而愈矣。但如欲毒從大便出者。則加熟大黃煉蜜為丸。如欲毒從小便出者。則除去蜜糖。改用熟大黃調雞蛋白為丸。此方極靈效。不可輕視。既愈之後。宜用

生鐵樹根二錢。生地骨皮三錢。生林朮根二錢。

右藥共煲豬肉食之。連湯飲完。從此固無疔毒。即藥毒亦掃除清楚矣。或另將雞蛋白和熟大黃末為丸。與此丸兼服。或另用蜜糖和熟大黃末為丸。與此丸兼服。尤妙。

柯氏治疔秘方

血竭七分 雄黃七分 夷茶七分 牙硝七分 龍骨七分 檳榔七分  
白礬七分 沒藥七分 砒霜三分 牛黃一分 蟾酥一分 土茯苓錢半

生軍七分 乳香五分 輕粉一分 冰片二分 麝香一分

共研幼末。再加水銀五錢為末。用白布包緊。用瓦鉢載芝麻油。兩浸此藥末數日。用鐵線扭一圈架起該藥。以火燒之。逐少將浸藥之油淋上。仍用浸藥之鉢接其滴油。因度其油約剩兩餘。即停火去渣。取油應用。凡患疔毒者。將此油搽於手足之腕。手足彎。手足掌心。及頸后三節骨。尻骨。兩髀之罅。兩便眇臙。與各脉門。自然漸愈。但製藥油。及為人搽藥。皆宜口含綠豆水。庶免毒傷。即患者搽藥時。亦宜常含綠豆水。並將綠豆水以代茶飲。凡搽藥油於外。仍當並服水藥以治其內。則疔毒更易消除。十日間可全愈矣。

水藥方

金頭蜈蚣三條 全蝎七只 皂角刺二錢 車前子二錢 牛膝二錢

統治瘡疔魚口便毒藥方 初起疔毒太盛湯藥方

錦紋大黃二錢 蟬蛻二錢去頭足 川木瓜二錢 炒殭蠶二錢 川芎二錢

炙酥山甲六片 牛子錢半 歸尾二錢 水煎服連服三劑自效。

統治瘡疔魚口便毒湯藥方

蒼耳子兩 羊屎兩 槐花兩 殭蠶五錢 桂枝兩 花粉五錢

土茯苓八兩 川椒壳兩 蒼朮五錢 荆芥兩 防風五錢 南星五錢

白芷五錢 木瓜五錢 土薏米五錢 苡實五錢 法夏五錢 牛膝五錢

角刺一兩 蟬蛻兩去頭足 草節五錢 豬肉八兩 水煎服。

又方

大黃四兩 北耆四兩 麻黃四兩 陳皮四兩 蟬蛻四兩

以豬肉一觔四兩分作六塊用酒六碗水六碗連藥共煎回六碗。

取起每日煮熟飲一碗食豬肉一塊分六日食完乃三天發汗三

天脹足。三天成漿。三天結痂。共十二天收功。既無遺毒。亦無復發。勿因麻黃之重。遲疑自誤。

又初起疔毒太盛湯藥方

故紙	白芍	生地	苦參	牛膝	防風	歸尾	角刺
連翹	蘇皮	木通	桔梗	花粉	川連	茵陳	全蝎
薄荷	蒼朮	雄黃	硃砂	土茯苓	荊芥	茯苓	萹蘚
改仁	蕪蛇						

右藥酌量輕重水煎服。其毒漸消。若陽物潰爛。則加芝麻共煎服。消疔止疔湯方

黑牽牛二錢 蒼耳子二錢 生地二錢 花粉錢半 川連二錢  
車前子三錢 白芍二錢 梔子二錢 枳實二錢 牛膝二錢

防風錢半連翹二錢半

右共水煎加入元明粉二錢。大黃末四錢。和勻服之。其毒即從大便而出矣。

又方

蒼耳子二錢半生地二錢花粉三錢川連二錢枳實二錢半

口磨姑二錢連翹二錢半白芍二錢銀花三錢大黃五錢

樸硝二錢冲藥梔子錢半牛膝二錢半

右共水煎服。其毒漸消而漸愈。

洗疔藥水方

茯苓皮二錢半九里明三錢黃栢皮二錢川生軍二錢歸尾錢半

大腹皮三錢金銀花二錢甘草節錢半白芷二錢半全煎水洗。

洗爛疔仙方

用十數日之酸臭米泔水。去底面之污逆。取中間之清者。煮滾加入生鹽八九錢。再煲。取起微溫。以洗患處。最能去毒生肌。洗後用舊夷茶一分。冰片四分。珍珠末一分。共研末。乾搽患處。如敷洗數次自愈。或加入三仙丹一分。川連末一分。枯礬一分。則功效更妙。此方經驗極多。不可輕視。

搽敷爛疔方

凡患疔日久。鼻爛身爛。臭穢不堪。皆宜用前錄洗方洗淨。後用橄欖煨存性研末一錢。加冰片三釐。調勻搽之。或用五倍子煨存性研末一錢。加冰片三釐。調勻搽之。凡洗淨後。用麻油調藥散搽之最妙。



治疔疔腫痛方 花柳疔疔結毒久爛方 遠年疔毒結墜不瘥方

### 治疔疔腫痛方

滑石二錢 扁蓄錢 梔子錢 生軍錢 瞿麥錢 木通錢

石蓮子<sup>三錢</sup>甘草錢 加燈草為引水煎服

兼用香附三錢研為幼末以醋調搽患處立可止痛消腫。

### 治一切花柳諸患及疔疔結毒久爛良方

土茯苓助生薑四兩以水煎服。並以藥汁洗其潰爛處。再以藥汁調麵粉敷之。內外兼治。十日可愈。曾有人爛去陽物一半。用此醫愈。治遠年疔毒結墜不瘥良方

此症多因前被庸醫所誤。致有此患。宜亟治之。

鍾乳石<sup>二錢</sup>乳香<sup>二錢</sup>珍珠二錢 硃砂錢 麵粉五分 四六片<sup>分半</sup>

田七錢 血珀錢 右藥如毒在頭加川芎。毒在眼加蒺藜。

毒在鼻加辛夷。毒在手加桂枝。毒在足加牛膝。隨患處酌加藥引。共研幼末。每日早晚用土茯苓湯送服三分。服完一料。雖重症亦愈。且無後患。

### 治疔後骨痛藥散方

珍珠末六分

錢半

硃砂

錢半

車前子

二錢

麵粉八錢

冰片五分

麝香五分

血珀二錢

田七二錢

共為細末。每日早晚服八分。鑊土茯苓濃湯調服。服完一料。雖極重症。亦必全愈。而無後患耳。

### 治初發花柳及魚口便毒妙方

生蜜糖二兩。豬胆汁一個。双料酒兩。

右三味。調勻。煮熟服之。自

散。或用雞蛋一個。以白醋浸之。微火煮至該蛋壳軟。取起將蛋去

壳加蜜糖一兩。與蛋調勻煮滾。或用滾水調服亦極效。

抽出花柳墜毒良方

按水銀輕粉原有去毒之功。凡疔便毒用之頗靈。惟僅宜於外治敷搽。不宜服食。乃有庸醫將其施於服食之劑。致誤人終身。而絕人宗嗣。情殊可憫。殊世間無識之人。又喜其有尅期奏功之能。不知其妄用水銀輕粉之猛烈品。壓墜其毒。不使外發。以圖速效。獲謝貲耳。殊不知凡人食過水銀輕粉。重則斷絕產育。輕則墜毒於一經。終身莫痊。雖或幸結珠胎。終亦養不成丁。彼庸醫之害人。其禍豈不慘哉。然往者不諫。來者可追。彼嫖客雖為庸醫貽誤於前。亦安忍不求良方以補救於後哉。爰立此方。凡有曾患疔等症。誤彼庸醫引毒歸於一處。久醫不愈者。其並用此方治之。庶不

至受莫教之痛乎。

生龜一隻。以小爐燒紅炭火。將龜仰放於爐上。以火燒龜之背。使其放盡屎尿。另將鹽水煉坭一團。煉至膠粘。將龜全隻封密。用火煨至烟盡為度。取出去坭。將龜放於地上。出盡大毒。將龜研幼末。秤重若干。每龜末一兩。則用去皮土茯苓二兩。研末和勻。每日早朝空腹用菜豆三錢。甘草節錢煎水送服。此龜苓散數錢。連服數日。則所墜之毒。可以去淨。自後所生之兒女。可無遺患矣。但初用炭火煨燒龜背之時。務當注意提防。該龜脫甲逸出。以口傷人。是要。

### 治鵝顴疔良方

生軍三錢 瞿麥三錢 川百足

二條  
煨去頭足

共研幼末。另用扁蓄二錢

治疔毒外洗必效方

梔子二錢 木通<sub>半錢</sub> 槐角三錢 車前子<sub>半錢</sub> 滑石三錢 連翹二錢  
金銀花三錢 甘草節錢 半燈心草數條 煎水服之立效。

治疔毒外洗必效方

生黃攪四十隻 牛乳木皮四兩 水雍菱四兩 油柑木四兩 荆芥三錢  
土茯苓兩 生甘草五錢 防風三錢 川大黃七錢 龜板七錢 浮萍七錢  
白芷五錢 共煲水浸洗數次即愈。

敷魚口便毒良方

茶舖<sub>二兩</sub> 生蜜糖二兩 共攪成糊。敷於患處。中間留一小孔。使毒  
易出。既敷之後。即用膏藥一帖。麝香二分 蟾酥二分 鴉片公煙二分  
調勻為膏藥心。貼於患處。自然漸愈。

又方

凡魚口便毒。既成既潰之後。收功固遲滯。亦極辛苦。不如初起時。用藥敷散為妙也。凡魚口便毒。在未成之前。用煲熟雞蛋一隻。去黃去壳。淨取蛋白。敷於患處。即用艾火在蛋白面上。連灸數炷。以灸至知痛為度。隨用藥敷之。並服水藥二三劑。無不立散。此經驗之良方也。切勿忽之。

敷藥方

黃坭一團。石灰漿一杯。熟煙絲兩。青荖葉十片。鴉片烟五分。右藥共搥至極爛。膠粘。敷於患處自散。

水藥方

蜈蚣 殭蠶 土茯苓 生軍 扁蓄 地丁 銀花 荊芥

紅花 枳實 炒梔 角刺 連翹 牛子 草節 水煎服。

右藥分兩之輕重。隨人之身體而酌奪之。

治血淋極妙方

血餘洗淨煨存性二錢。以蓮藕自然汁調服。立效。或加麝香少許尤妙。或用蘿蔔汁加蜜糖調血餘灰服亦妥。

又方

每日以淡豆豉兩零煎水服之。亦極靈效。

又方

用苧麻根十條煎水服之。

又方

海螵蛸 乾地黄 赤茯苓 各等重研末。每用柏葉車前子候水送服三錢。

又方

扁柏葉錢 車前子錢半 海金沙五分 珍珠末二分 血珀五分  
右共研幼末。用生蓮藕自然汁調服極效。

治白濁良方

瞿麥<sup>二錢半</sup> 海金沙<sup>二錢</sup> 木通<sup>三錢</sup> 滑石<sup>錢半</sup> 丹皮<sup>錢半</sup> 連翹<sup>二錢半</sup>  
牛膝<sup>二錢</sup> 澤瀉<sup>二錢</sup> 豬苓<sup>錢半</sup> 車前<sup>二錢</sup> 甘草<sup>錢</sup> 銀花<sup>三錢</sup>  
又方

車前子<sup>二錢半</sup> 丹皮<sup>二錢</sup> 地龍<sup>錢</sup> 瞿麥<sup>二錢</sup> 牛子<sup>二錢</sup> 海金沙<sup>錢半</sup>  
赤茯苓<sup>二錢</sup> 牛膝<sup>錢半</sup> 澤瀉<sup>錢半</sup> 木通<sup>三錢</sup> 銀花<sup>二錢半</sup> 口磨菇<sup>二錢</sup>



又方

鷄蛋二隻用醋浸至壳軟。去壳加蜜糖兩。和勻白滾水冲服。

又方

鹿角霜四兩牡蠣一兩共研幼末。米糊為小丸。每服二錢極效。

又方

冬瓜仁薑者更佳。炒研幼末。米湯送下。兼治白帶如神。

日久白濁方

老生薑兩槌爛炒極熟。加入浙醋二兩。再加食鹽少許。同煮食之。兩三服後即愈。凡白濁日久。小便不痛。屢醫不效者。此方如神。或兼服補中益氣湯數劑尤妙。

婦女白淫白帶極妙方

陳石灰兩白茯苓三兩共研幼末飯米糊為小丸每日空腹米湯送服三十九立效。

### 小便沙淋極妙方

用生豆角當生果而食其沙自縮小而出須食至沙出盡為度此為神方不可輕視。

### 小腸疝氣方

舊葵扇之柄切碎煎水服之數次即愈。

### 又方

如左睪丸痛大則用艾火在右腳踭灸三炷如右睪丸痛大則用艾火在左腳踭灸三壯每壯約距四分可也如兩睪丸皆痛大則左右各灸三壯立止且無復發。

又方

胡桃壳搗碎。加小茴香一錢。共煎濃水。加酒調服。連服數次。則必告愈。但不可食豬粉腸耳。

又方

土苡仁用東方坭牆之土搥碎。同土苡米放銅鑊炒黃去土。淨取土苡仁。入水煮極爛。研成膏。每日以無灰酒送服三錢。數日即愈。

又方

生香附十數枚。去皮搥爛。用熱酒浸出味。去渣飲之。立效。即農人所呼為草芋頭是也。

又方

用做酒餅之俗呼油柑樹根。生者四兩。洗淨用豬肉數兩。共煲至

爛即去渣飲之。數次立效。

又方

用鷄蛋七隻。煲熟取起。以婦人頭上常帶之銀簪。將鷄蛋插勻。每一個插三四十下。插齊放在瓦甌內。以好酒浸平蛋面。慢火煲至酒乾。將蛋食完自效。

沙淋良方 如初起者。無不立效。此症男女均有。

正四川當門子麝香錢。生田螺一隻。敲碎田螺。后滴水。將此水調麝香如藥膏樣。即以貼於肚臍。用帶札緊。勿令洩氣。並用猪苓二錢。扁蓄二錢。木通錢半。澤瀉二錢。瞿麥二錢。滑石錢半。赤茯苓錢半。黑梔錢半。石葦錢半。萹解二錢。車前子錢。海金沙錢。燈草一束。水煎服。每日一劑。數日必愈。

又方

大葉榕樹上垂杓之鬚數兩。加雞蛋二隻。放瓦甌之內。用水煎至樹鬚糜爛。即去渣取水。代茶飲。其沙即出。

又方

生鵝腸草（又呼鵝腸菜）約用四兩。該草用手揸軟。揸至將出汁之時。用淘米之二度水浸之。浸至該草出味。去渣飲之。自效。

又方

枇杷葉去毛煎水頻頻飲之亦效。

瘰癧全科

瘰癧者肝病也。肝主筋。肝經血燥有火。則筋急而生瘰癧。其多發於耳前耳後及頸者。乃膽之部位。膽與肝相表裏也。初起即服消

癰丸以散之。或服內消湯。消而不去。方以普救膏丹取出其核。用生肌散收口。但貼膏藥取核時。尤當服諸丸散湯藥。以清其源。更宜戒惱怒。並戒煎炒生痰動火。及諸發氣閉氣之食物。至全愈後。身體雖虛。仍未可遽用補劑。自無復發之憂。如香甜橙橘柚之果。必須切戒數年。勿輕試以自誤焉。

### 消癰丸

元參蒸

牡蠣煨醋淬

浙貝去心蒸

右三味。每四兩。共為末。煉蜜

為小丸。每服三錢。白滾水送下。每日二服。

### 內消癰癢湯

川貝母二錢 牡蠣八錢 浙貝二錢 青皮七分 鬱金錢 夏枯草五錢

元參三錢

菊花

五錢

硼砂錢

青黛拌

水煎服。

普救膏藥方

此膏兼治癰疽一切爛肉各症皆效。但各山草藥如係曬乾秤者。則要加芝麻油十餘兩。

木鼈子二兩 生軍二兩 黃柏二兩 苦參二兩 沒藥二兩 人頭髮一大團  
黃芩二兩 乳香二兩 甘草兩 錢蠶砂二兩 嫩槐花木皮四兩  
嫩苦棟木皮三兩 六耳稜草三兩 生木賊二兩 生五指柑頭皮三兩  
仙茄根三兩 生紫貝金牛三兩 右藥用芝麻油貳觔八兩。先  
浸藥三日。依煮膏藥方法。煮至各藥焦黑。頭毛化盡。用棕樹皮隔  
去渣。再將藥油煮透。將鏟抽起。加入研幼黃丹十兩。用桃枝按勻。  
再煮至滴水成珠。抽起。一人用桃枝頻按。一人用扇搨至漸冷。即  
用茶壺載冷水少少斟落鏟內。淬去火毒。但斟水時尤須頻攪頻

搗約滓三壺水。火毒可去一半。俟攪至膏冷時取起。用瓦盅收儲。置于地上。半年間即可用矣。用時加水片少許為藥心可也。

### 普救丹方

水銀三錢 青礬五錢 食鹽四錢炒 枯礬三錢 牙硝三錢 上五味用

無釉瓦盅載儲。以冬青盤一隻仰放盅口為蓋。用米飯搥爛。鍊坭土以彌其縫。糊以沙紙。連縫糊數層。以見火不洩氣為度。俟至半乾。即以火煉之。凡煉此丹。須擇成日。尤當薰沐。取一清潔靜密地方。將該瓦盅端正坐於爐上。用茶壺載清水。斟滿盅蓋之。盤方燃炭火煉之。煉至盤中之水約乾一半。抽起稍冷。將盤中餘水抹乾。於彌縫處。輕手將盅蓋揭開。凡粘於盤底之白色者。即是煉成之丹。將丹刮脫。研極幼末。和飯米搥鍊為丸。如菜豆大。以指掣扁陰



乾用磁瓶收儲。過一年後用以取核。無不立效。

凡醫瘰癧。初必服湯藥。其輕者自消。無須膏丹取核。其重者亦須服之。使無再起。既起之小顆者。可望全消。大顆者。可望消細。至若未潰諸癧。及板癧。在服消癧丸時。兼用藥散如法搽之。始易見效。若病者急於求效。或既服內消諸藥。消而未去。或膿水淋漓者。除小兒之虛癧與雙板癧。不宜取核外。其餘均可如法取之。亦無遺患。蓋頸項諸癧。係居於肉外皮內之間。膏丹雖開皮取核。究所穿者止穿其皮。不傷及肉。因瘰核生於頸之肉外。其形如蜘蛛之蟠附壁上。其癧核之根株。有如蜘蛛之手足樣。故膏丹取核。必無傷於肉也。但病者須明此理。方能安心就醫。一有畏慮。即足貽患。况患此證者。最易成為虛損。欲求良醫。逢之甚難。所以患此常有性

命之虞。苟逢良醫。豈可畏慮以自誤乎。取核之法。須從最大顆者  
取起。每次少則取一顆。多則止。可取二顆。分次而取。俟既經取出  
者。生肌平復。方又取其次二顆。次以取盡為止。如癰核多顆者。切  
勿一齊用藥取核。以至誤人為要。凡取核之時。先宜驗定先取某  
顆。含冷水一口。向該癰噴濕其皮。隨以手指按正該核。用蘸油燈  
草一條。點着火。向正該核灸一壯。然後取膏藥一帖。以丹一枚。研  
極幼末。放於膏藥中心。向正癰核貼之。如有膿水流出。每日起脫  
膏藥。用銀花茶葉煲水洗之。洗完即將膏藥貼回。如是七日間。其  
核自然粘在膏藥中心。隨而脫出矣。若膿水太多。膏藥太殘。即換  
過一帖。加丹末貼之。但無須再用水噴火灸耳。凡核一脫出。即換  
淨膏藥。貼得三日。繼用生肌散為膏藥心。貼至全愈為率。其初以

丹末為藥心者。因藥心能開皮取核也。繼則貼淨膏藥者。用此以去淨其餘毒也。後以生肌散為藥心者。使其生肌而平復也。但加生肌散之膏藥。則宜開薄。俾免皮緊而凸。此治癩癧之良法也。奈世間婦女。驕矜性烈者多。癩癧之症。亦即以該輩婦女為多。尤不能忍痛耐苦。凡遇此等人。治之則宜從緩。勿圖速效。或減去火灸。或將膏藥心中之丹半研半不研。或留全枚為藥心。俾其從緩而化。自無痛苦矣。但如此緩治。則時間須久。須半月餘。其核始能脫出耳。下列各方。亦極靈效可用。

洗癩用銀花茶方

土金銀花 生茶葉 凡貼膏藥時。如有膿水。即用此煲水洗之。洗完再貼。

搽癩藥散方

銅綠粉錢 五倍子錢 樟腦錢 白芷錢 黃丹錢 洋錫粉錢 凡從內  
消之癩癧。服藥時間。兼宜用此研幼末。開麻油搽之。

取核出後生肌散方

黃丹錢 白芷錢 甘草錢 川麝香三分 上水片三分 五倍子錢  
右藥加入人手指甲多少。共研幼末。以為膏藥心。

又生肌散方

龍骨三錢煨 輕粉三錢煨 珍珠末 六分 川麝香 四分 乳香三錢去油

象皮三錢 風化硝三錢 沒藥葉三錢去油 右研極幼末。以為膏藥心。

按癩癧之名狀甚多。但項前生者多因痰。項後生者多因濕。左右  
兩側而生。其形軟。遇怒即腫者多因氣。其堅硬而筋縮者多因火。

其得病之源。不外肝經血燥而有火。其或因憤怒而成者有之。或因鬱抑而成者有之。或因驚恐傷氣。恣食生痰助濕之物而成者有之。或因縱慾傷腎。飽食燥血之物而成者有之。或因誤食毒虫蜂蝎所傷之物而成者亦有之。其人若非肝經血燥。即或有前因。未必專患此症。故凡獨患瘰癧者。必因肝經血燥。可無疑義矣。但病患之有輕重。則由體質之有虛實。而名狀之各異。則由各經之感受有不同也。而治法亦因之而有分別焉。其一專在肝膽。十居七八。其二兼在脾胃。其三兼在心腎。如此三者治瘰癧之大法備矣。專在肝膽者。左關之脉必瀉。右關之脉必滑。蓋肝膽之鬱。下剋脾胃。土氣受制。難化水穀。必至生痰而助結。瘰癧成矣。此則治其肝膽。消化痰涎。則瘰癧易散。若兼在脾胃者。右關之脉或浮而無力。

或滑而有力。是則脾胃中痰氣之升騰。土氣之蕭索。務須健其脾胃。以消化痰涎。然後佐以敗毒之味。則病可愈矣。如兼在心腎者。左寸之脉必滑。右尺之脉必瀋。是則心腎兩傷。不能相濟。而肝膽脾胃各不相應。故痰塊不消。瘰串日甚。此當理其心腎。使之陰陽和合。少佐去毒攻堅之味。則取效速矣。凡有瘰癧之人。病至耳聾。或咽喉常覺如飲熱湯。此危急之症。治之難矣。

今將瘰癧名狀畧列於後

水瘍癧者。核大而圓。二三顆而已。

紅頭癧者。頭紅而腫。

火瘍癧者。大小一律。

馬鈴癧者。生在兩邊。

爛瘍癧者。潰流膿水。宜洗之。

鎖喉癧者。近喉一邊一顆。

風瘍癧者。一顆而長。

層台癧者。內有三層。又名重台癧。

單板癧者。硬於一邊。其形成片。又名馬刀癧。

雙板癧者。兩邊皆成硬片。宜用藥搽消。不可取核。

雞婆癧者。多則十數顆。內有一顆格外大者。宜先取其核。又名子母核。

老鼠癧者。其形如鼠。

按癩癧之名雖多。如痰濕氣筋虛五種癧。及小兒所生之連珠癧。形名各異。其受病究不外痰濕風熱氣兼忿怒憂鬱也。謹將各方

疏舉於後。以備採用。

逍遙散

此方最宜多服。能解諸鬱。而理肝膽脾胃。不論曾否取核。皆宜服之。

柴胡四錢 歸身三錢 白芍三錢 茯苓四錢 白朮三錢 甘草錢半

薄荷三分 煨薑二片 水煎服。能治肝經血虛血燥。火盛頭痛。目眩口苦。便赤倦急。煩渴。抑鬱不樂。胸脅作痛。小腹重墜。婦女經水不調。

三味代茶方

夏枯草五錢 土銀花五錢 蒲公英五錢 酒水各半煎之。時時代茶飲之。

瘰癧湯

此方瘰癧火盛者宜多飲。

羚羊角一錢 昆布三錢 生地二錢 續斷二錢 花粉二錢 海藻二錢

白芍錢半 夏枯草三錢 歸尾二錢 連翹二錢 白芷二錢 甘草二錢



瘥癥湯

生石羔少許為引 水煎服。

又方 凡取核者宜多服數劑。本方兼理心腎。

麥冬二錢 黃柏二錢 元參二錢 白芍二錢 昆布二錢 知母二錢

甘草二錢 牛子錢半 黑梔二錢 夏枯草二錢 燈心草二圓 水煎服。

又方 取核者宜服數劑。此方兼理心腎。

桑白皮錢 北者二錢 紅花二錢 川連錢 歸身二錢 連翹二錢

赤芍錢 羚羊角錢 昆布三錢 續斷錢 甘草二錢 白芍二錢

花粉二錢 生地二錢 長燈草一束 生石羔少許為引 水煎服。

又方 此方與道遠最同意。肝膽經鬱結者宜多服。兼理心腎。

白芍五錢 歸身二錢 柴胡三錢 全蝎三錢 白朮二錢 茯苓四錢

白芥子三錢 香附二錢 鬱金二錢 炙草八分 天葵三錢 水煎服。未潰

者可以內消。

又方

夏枯草<sup>五錢</sup> 浙貝<sup>三錢</sup> 元參<sup>三錢</sup> 連翹<sup>錢</sup> 牛子<sup>錢</sup> 山茨菇<sup>錢</sup> 土銀花<sup>錢</sup>  
海藻一錢 川芎<sup>錢</sup> 昆布<sup>錢</sup> 香附<sup>錢</sup> 白芷<sup>錢</sup> 歸身<sup>錢</sup> 甘草<sup>八分</sup>

右水煎服。既潰者服此較易收功。如膿水淋漓者。加北耆白朮  
茯苓各一錢。柴胡升麻各五分。

以上諸方。誠治療癰之通劑。凡內消者服藥之時間太長。而根蒂  
猶非易斷。藥力稍薄。即恐未能全愈。故內消者服藥不可畏難嫌  
久也。至取核者。則根蒂餘毒。悉為膏丹拔去。所以服藥少而時間  
亦較速也。

小兒連珠癰及虛癰方 大人亦宜

驗方宣秘

卷上

小兒連珠癰及虛癰方

三十七

法用百眼芋頭。又名狗爪芋。於五月五日或七月七日。九月九日。將該芋頭切片曬乾。瓦器收儲。每逢三月三。端午。重陽。七月七日。等每日曬一次。或煮粥或研末和粥與小兒食之。不但該癰全愈。並可免一切瘡疥。即出麻痘亦必稀少。家中最宜常備此物。但忌火焙。

### 白玉丹方

法用新出蜜石灰一斤。以清水化開如粉。用生桐油調勻。乾濕得宜為度。無論癰之已潰未潰。即潰十數年未愈者。皆可以此治之。先用花椒生葱煲水洗透。方以此丹塗之。未潰者即可內消。既潰者自能生肌全愈。另有用生白斂生半夏之外治法。亦可參用。

### 外治療癰良方

土生白斂 生半夏 共搗極爛。加白芥子末錢半。和酒糟攪勻。以冬葉或芋葉包妥。放入熱火灰堆內煨透。取出攤放地上。以去火毒。加入水片麝香少許。調勻敷之。連敷數次自消。功效甚靈。土白斂又。老鼠拉冬瓜。係取其椀用之。其椀如粉葛模樣。羊城靖海街心皮鼓店對面之生草店。常有售賣。

### 治療癰及諸般癰疽惡毒大瘡秘方

郁李仁六分

赤石脂六分

磨菇六分

雄黃六分

白芷六分

血竭六分

川烏六分

川麝香三分

生軍六分

川連六分

水片六分

共為幼

末。先取去淨沙坭之乾艾絨三錢半。攤薄敷在貢川紙上。即將藥末敷放艾絨面上。將以捲成圓條。搓至結實。再用堅厚之紙。加捲於外。以免藥末漏出。凡遇癰癤癰疽惡毒大瘡。先用青布一片。好

酒濕透。貼正患處。隨將此藥條畧蘸少許茶油。用火燃着。向患處之布面緩緩薰焙。焙至布乾。即再濕再焙。焙至藥盡。則必內消。百發百中。誠仙方也。

乳癰乳巖方

枳殼五錢。麥芽兩。青皮三錢。陳皮三錢。水煎二碗。熱服三杯。其餘藥汁。即以洗患處自愈。

又方

取粵東之生甜橙皮。搗爛敷之。數次自愈。如係乾者。研末調水敷之。但乾者藥力稍緩耳。

人方

仙人掌一片。去刺搗爛。加入茶鋪末數錢。搗勻敷之。

乳癰妙方 此症男婦均有患者。此方極妙。

取造豆腐時豆腐滴出之水一桶。用鑊煎至水乾成膠。將膠搽於患處。連搽數次。其痛自止。其塊腫自消。此方極妙。名曰五百金。

婦人乳痛方

凡婦人乳痛。無論虛實。急用婦人梳篦所積之髮垢。揀去毛碎。取淨垢搓成丸子。外用雄黃末為衣。如桐子大。以熱酒送服。後即蓋被而卧。汗出即瘥。如未愈即再如法服。以愈為止。

乳癰良方

生草麻子去壳。搥至極爛。用疏軟紬布包成藥條。如鼻孔大。塞於鼻孔內。患左則塞右。患右則塞左。兩孔同患則塞兩孔自愈。但一經既愈。急將藥條取出。勿延。恐致他變。因草麻子善升善降。其性

速而且猛也。

又方

法用馬前子一箇。去毛。轉為細末。以浙醋調勻。塗於患處。既乾則再塗之。數次可愈。

脚底生石疽方

川木瓜研極幼末。以麵粉酸醋煮成漿糊。敷於患處。乾則易之。連敷數次。自然痛止全愈矣。

又方

鹼水和石灰末調成漿糊敷之。輕者立消。重者則穿。痛止而愈。

生蛇頭指方

初起刺痛未穿時。用生瓠菜搥極爛。加入樟腦攪勻敷之。即散。如

已穿者。用京青布一幅。將瓠菜樟腦捲成條。俟稍乾。即以火燒出烟。將瘡就烟上薰之。數次自然痛止而愈。但須分別未穿已穿。以用藥。切勿錯悞。

又方

羊蹄草一束。搗爛。加蜜糖攪勻。敷之。數次自愈。

又方

用蜈蚣研末。以豬膽汁調勻。敷之。自愈。

又方

用牆脚青苔。搗水敷之。自效。並治纏身蛇瘡。

又方

用蟹音厚壳。煨灰。調清油。搽之。自愈。並治纏身蛇瘡。



又方

白芷

錢半

雄黃

錢半

黃柏

錢半

冰片

五分

青黛

錢半

螺壳灰

錢半

共研幼末調麻油塗之。數次自愈。並治纏身蛇瘡。

又方

用舊船底之油灰。和白芨研末調雞蛋白搽之自愈。

又方

龍膽草研末。以酒調勻敷於患處。立即痛止腫消。再用豬膽汁調勻龍膽草末。入回豬膽之內。將豬膽袋該指頭。自然全愈。

又方

取最辣之辣椒。加生鹽少許。搥至極爛敷之。立止痛而愈。如有黃色之指天椒。其效更速。凡蛇頭纏指之瘡。每用辛温之藥治之。勝

於寒涼萬倍。大抵該症屬於陰寒。所以忌用寒涼也。

脚背瘡久不收口。名曰蟾鑽。又名仰口瘡方。

用雙蒸酒熟烟絲。煮滾敷於患處。則必出清毒水。生肌而愈。

脚生雞眼方

蕎麥粉錢生芋薺二枚。共搗爛敷之。一對時自出。連根起脫。

瘡科去腐生肌方

凡患惡毒大瘡。肌肉腐爛。久不收口。而痛苦難堪者。宜用辣蓼草一觔。老者尤佳。以水煎至味濃。加入石灰一兩餘。攪勻。乘熱浸之。洗之。不但去腐生肌。且能立止痛苦也。

立止癰疽痛苦方

凡遇瘡毒痛苦難堪者。無論屬陰屬陽。不論其部位。俱用生草涕

潰爛諸瘡久不收口方

小兒瘡癤簡妙方

虫數条。搗爛以熱酒加些白糖調服。其痛立止。或於閒時取便鼻涕虫以新瓦煨存性研末。磁瓶收藏。以預備冬天生瘡之用亦妙。但用時仍以熱酒調服。其痛立止。然後按症用方醫治。以收全功。此誠瘡科立止痛之善法也。

潰爛諸瘡久不收口方

木耳一兩。焙枯研末。加白沙糖一兩。調勻以溫水攪勻成漿糊模樣。將以敷於患處。以布縛之自愈。

小兒瘡癤簡妙方

用黃皮果之核。不論多少。焙乾研幼末。用七月七日之水。或花露水調搽極妙。如係大瘡則加冰片少許。如未穿者搽之立消。蓋因該核行氣最速。散毒最捷也。

小兒頭瘡久爛良方

凡小兒頭面肢體生瘡。或云胎毒。或云濕熱。而屢治屢發。百方治之。依然潰爛不瘥者。用此方必效。若瘡毒太深者。結痂後。或再發一次。即照方再搽之。無不斷根而全愈矣。

獨活<sub>三錢</sub> 苦參<sub>三錢</sub> 荆芥<sub>五錢</sub> 防風<sub>五分</sub> 枯礬<sub>五分</sub> 冰片<sub>二分</sub>

銅綠<sub>五分</sub> 麝香<sub>一分</sub> 蛇床子<sub>三錢</sub>

共研幼末。以茶油調勻搽之立愈。且無復發。

小兒頭瘡日久不瘥方

凡小兒頭面生瘡。每有旋愈旋發。屢醫不效。生之日久。兒體愈虛者。蓋因小兒脾土薄弱。心火上衝頭面而生瘡。則其心必更躁。而火益盛。故屢醫不效也。凡遇此等症。外治不效。即須滋水以濟其

火方能全愈。以六味地黃湯加牛子治之。連服三劑。立即回春。永無復發。此經驗之良方也。

熟地六錢 淮山三錢 萸肉三錢 丹皮二錢 澤瀉二錢 茯苓二錢  
牛子三錢 右共水煎服。或兼用外治尤妥。

### 回瘡丹

此丹專治初起癰疽瘡疥之未成者。搽之立消。

白降丹一分 人中白五分 蜜陀僧五分 寒水石五分

共研幼末。用醋調搽。自然痛止腫消而散。

### 回瘡萬應膏藥方

此膏藥能打消一切癰疽瘡疥。並能拔毒生肌。消腫止痛。百發百中。

茶油一斤八兩 雞蛋黃十二箇 頭髮五錢洗淨以慢火煮至頭髮化灰加入黃蠟五兩 白蠟一兩再煮鎔抽起俟冷再加入研末黃丹五兩攪至極勻再煮至起大煙滴水成珠取起收藏備用如遇惡毒癰疽大瘡即用正血珀二分生龍骨二分珍珠末二分為膏藥心貼於患處功效如神未成者即消既潰者生肌而愈。

### 脚指頭生瘡方

此症生於脚之大指俗名臭田螺者是也常有爛脫脚甲經年不愈之苦此方治之必效。

雄黃精二錢 大黃一錢 川連二錢 康青一錢 獨活錢半 正冰片二分 共研幼末用生田螺四個生蔥一條共同搗爛加蜜糖少許攪勻煮熟分次敷之自愈。

### 生老鼠瘤方

生甕菜黃糖二味。搗爛內服外敷。自然立愈。誠獨步良法也。

### 生過頭蛇纏身蛇必效方

樟腦硫磺。拌老糠頭同炒熟。以布包妥。乘熱履患處。冷則再換。連熨至蛇瘡消盡則愈。但蛇瘡最忌茶水映照。凡用茶水映照之。則必復發。故愈後飲茶飲水。須將茶水入在壺內。由壺嘴飲之。並不可沐浴。以免復發。此方極妙。切勿輕視。

### 天白蟻方

此症乃因平時外感風寒。煽動肺火。誤食稀粥。或清肺悶肺之物。致肺火上衝於腦。日久腦敗。臭穢之水。頻從鼻中流出。頭顱不安。寔者是也。

生蓮葉

五錢  
向生東方者佳

丝瓜絡

五錢

象牙屑

五錢

洋參三錢  
綠豆五錢

共煎服。每日一服。數日後即有瘀血成條從鼻孔流出。繼服數劑。

自然全愈。如係病深者。兼用霜梅一雙煨存性。枯礬一分。雄黃五分。炒。

山甲五分。共研幼末。吹入鼻孔內。每日用土茯苓煲豬肉湯送飯。

自必漸愈。總以瘀血滌流出三五日後。方可止藥。

又方

蒲廬瓜之瓜壳。煨存性研末。放近鼻門嗅之。極效。

羊毛絲疔方

此症初起。必見頭痛而極難耐。身大熱而心難堪。凡印堂。心。胸背。心。兩手。掌。兩脚。彎。四肢。脉門。等處。必有斑點。形如蚊咬之狀。世人。有呼其為出標蛇者。有呼其為出斑疹者。其實羊毛絲症也。凡遇。



此症務須鍼藥兼施方易奏效。

法用青荖汁硃砂驗水各少許。將狼毒之芋頭蘸搽前列各部位等處。或單以青荖汁生鹽搽之。擦至斑點之紅黑顯露。即用縫衣針在紅黑點挑出其毛絛。病重者每點有紫黑毛絛寸餘。病輕者則有紅白毛絛寸餘。須細心察看。盡一挑出。割去其根。隨挑隨愈。見效甚捷。但用針挑完後。宜用硃砂雄黃末塗其針口。另服湯藥。並覓狗肝菜煲水以代茶飲。至全愈為止。按狗肝菜係生草藥。有呼其名為青龍崽者。即該草也。

### 湯藥方

山梔子三錢 桑白皮三錢 木通三錢 陳皮一錢 生地三錢 木瓜三錢  
甘草節三錢 以上七味。用狗肝菜煲水。以煎藥。二三劑即可全

愈。但患此症者。七日之內。均須用紅豆粉葛番薯深薯等物代飯充飢。最忌糯米及燥熱之食品。如挑淨毛絲之後。即用舊細茶三錢。白木耳三錢。川木朮三錢。尖檳三錢。梔子三錢。木綿花瓣三錢。大棗子五枚。龍眼壳五枚。青鹽一錢。右藥九味。用狗肝菜煲水以煎服。自然全愈。按狼毒芋頭一名尖尾毒芋頭。一名尖尾風。一名老虎耳。其膠粘人肌膚。即令人癢悶。惟病者粘之。不覺癢悶。反覺精神爽快耳。

### 治癩妙方

川連一兩。三仙丹三錢。樟腦一錢。以上研幼末。用大楓子油四兩調為藥膏。搽之。不論乾濕疥癩。即止癢痛而全愈。

### 又方

蛇床子兩 苦參兩 雄黃五錢 枯礬兩 硫磺五錢 楓子肉五錢

輕粉二兩 樟腦二兩 夷茶兩 川椒五錢

右研幼末。用白布包緊。蘸狼毒油搽之。癢痛即止。三日即可全愈。如無狼毒油。即用豬油亦可。

### 製狼毒油法

芝麻油四兩。用瓦鉢煮滾。即取狼毒四兩。切成薄片。放入油鉢內。煮至狼毒焦枯。其味出盡。即去渣取油。收藏應用。誠治癩疾之妙藥也。

### 劈腦疔方

按劈腦疔者。乃頭上忽起瘡癩。其色或紅或白。或紫或黑。喉間忽然有痰閉塞。不能言語者是也。此症傷生甚烈。宜速治之。

木樨子一隻煨存性。加水片四釐。共研幼末。吹入喉內。另取木樨子三四隻。搗爛煎水。與病者含之。以引其毒吐出則愈。

### 禿頭瘡方

百部三兩煎水洗之。洗後必癢。即以酒洗之。洗至不癢。即以百草霜研極幼末。調香油搽之。永無後患。

### 小兒誤吞銅錢及各銅物方

生磁石三錢。樸硝六錢。共研幼末。用煎熟豬油蜂糖和勻煮。鎔分二三次食完。其物即隨大便而出矣。

### 小兒誤吞針方

取生癩蝦蟇之眼珠一對。與小兒成粒吞之。其針兩頭自揀蝦蟇之眼珠。從大便疔出。但須生用方妙。按蝦蟇即螭蝮也。

小兒誤吞鐵物方

炭皮研為幼末。調粥與兒食之。其炭皮末即裹緊鐵物。從大便疴出矣。

治小兒鎖喉風之萬應散方

小兒三朝七日。噤口撮嘴而不食乳者。世人呼為鎖喉風。其業兒科者。更多其名目。以為漁利之計。究竟臍風二字便可貫之。此症傷生甚速。每有施救弗及。殊為可憫也。然此症之始因。實由封臍時不慎。方有是禍耳。設令小兒初落地時。雖或感有些少風邪。而封臍苟能得法。其風邪亦散。自無鎖喉風之為患。故凡有慈幼之心者。封臍一道最宜小心謹慎也。此方統治一切鎖喉諸患。功效神奇。如能製以施人。功德無量矣。

金頭赤足蜈蚣二條去頭足浸酒焙乾

甘草六分

瞿麥一錢

川烏尖六分製

全蝎梢六分浸淡炒

殭蠶一錢炒

右研極幼末。用樽收藏勿洩氣。凡遇患時。即將藥末些少吹入小兒鼻吼。如得嚏噴。雖極重之症。亦可回春。一面用薄荷葉七片。煲水調藥末二分。與小兒服之。自必應手取效。此方經驗極多。切勿輕視。

### 治小兒百病之雞蘇散方

滑石六錢

甘草錢

硃砂三錢

薄荷二錢

青黛一錢

共研極幼末。統治小兒百病。凡感冒風寒。效嗽頭痛。肚痛發熱。吐瀉等症。其未滿一歲者。即用數分。如五六歲者。即用二三錢。以薑湯調服。

小兒急驚方

此方專治小兒急驚危症。名曰黑神丸。藥到即愈。雖極危重。而心窩未冷。亦可再生。

飛羅白麵二錢

葷京藥墨二錢

青黛一錢

蘆薈二錢

使君子肉二錢

飛淨硃砂錢半

冰片二分

膩粉二錢

土牛黃一錢

正川麝香五分

金箔十片

右研幼末。煉蜜和麵糊為小丸。如綠豆大。以硃砂為衣。每用薄荷煲水送下三丸自效。

又方

龍眼壳十二箇

細茶三錢

陳皮三錢

薑皮三錢

白鹽三錢

以水一碗煎回一半。灌小兒服之。如見該兒發顫。則必復生。此方

名為開棺斧。

小兒急慢驚之外治方

世人謂急驚者。乃體實之小兒。慘被風火之邪為患。所謂慢驚者。乃體虛之小兒。慘被寒水之邪為患。蓋火性急。水性緩。急慢二字。乃寓水火虛實之意於其中。世人無知。每以症之危速者為急驚。以症之危緩者為慢驚。至其用藥。亦常有以一方而統治急慢驚。並無分別。此其為害不可勝言矣。豈知急慢二症。其中水火懸殊。虛實各異。凡有慈幼之心者。最當慎別焉。蓋慢驚者。宜補其虛。而忌攻邪。急驚者。宜先攻邪。而忌溫補。所以不可以一方而統治急慢兩症也。此方乃係外治。並無攻伐溫補之慮。所用之藥。專通經絡。引邪外出。以救兒命。所以急慢二症。均可同施也。况外治之方。



與臟腑無涉。自與內服者不同。經驗甚多。功效甚靈。故敢錄存也。  
北杏仁七枚。去皮。山梔子七枚。白胡椒七枚。共研幼末。用麵粉  
四錢。生葱七條。雞蛋白一個。共同攪勻。搗成膏藥模樣。分為兩帖。  
以一帖貼在兒手掌心。男左女右。貼一對時。該兒掌心見有青黑  
之色。即可轉危為安。如兼有腹痛者。即將一帖貼於肚臍。其邪自  
出矣。另有一方。以桃仁易胡椒。其製法貼法均同。據稱經救人無  
數云。

小兒急慢驚良方

取極大蜘蛛六箇。去淨頭爪。淨取其肚內漿水。和白滾水少許。攪  
與小兒服之。雖極危急。苟一息尚存者。亦可活救。但如係急驚者。  
救活後即須用養血藥。以養足其血。如係慢驚者。即須用溫補藥。

以培足其元氣。始為全愈。蓋慢驚之症。乃由真火不足。以致虛寒生風。急驚之症。實由血少生風。兩皆因風致禍。臨危之時。喉間嘔嘔有聲。乃通身血脉已化為痰也。是以救活亟須善後。方無再發。

### 小兒疳積散

水芝麻葉曬乾。羊肝炙枯。使君子肉。海螵硝。右等研為幼末。每服五分。加入硃砂三分。以米飲和白糖送下。此方在朔旬服之尤妙。如在念旬宜先食黃沙糖少許。方服藥散。

### 又方

育嬰家有云。欲求小兒安。常貴三分飢與寒。此乃育嬰至言。允宜時時體念也。蓋小兒初出母胎。外而肌膚疎薄。內而氣血嬌脆。火微土弱。消化尤難。衣服稍厚。便開腠理以迎邪。飲食略濃。輒碍流

行而致疾。是以衣貴煦和。食貴清淡。除稀粥白飯之外。凡諸饑食果餐。與夫一切甘肥濃膩之品。悉宜禁戒。勿與沾唇。否則氣血停滯。諸病叢生。面色青黃。血管之血。氣滯不及。而似青筋。腹脹臍突。不思粥飯。而喜異物。甚則生米坭土木炭。亦皆食之。此則已成疳積。急宜查對醫林改錯方法。以之施治。或用此方。

青相子八錢

川貝母四錢薑製

煨磁石四錢

草決明四錢

正牛黃一錢二分

珍珠末六分

琥珀末六分

金蒙石四錢

如有紫石英尤妙

右共研幼末。每服六分。用羊肝蒸食。如無羊

肝。則用雞肝豬肝均可。每用生肝一兩。

又方

茶舖一味。研極幼末。每日取三四錢。用粥水和白糖調勻服之。功

效神奇。切勿輕視。按此方係雲遊醫士之秘方。用之極其靈效。且無復發。惟索謝甚奢。不肯傳授於人。適有一富紳。見其方藥之神奇。欲購其方。以之濟世。該醫士堅決不肯。適乃紳有一友人之子。久患疳積。屢醫皆旬日必復發。斷無或爽。乃紳遂與該友人密定計策。延該醫士包醫。服其藥散。數天即愈。該友遂邀同朋友數人。於深夜時。走向該醫士。佯稱其子因服藥散致斃。堅向該醫索命。來勢汹汹。言詞強硬。當時該醫士誤以為真。驚惶困迫。無以自明。遂當衆將茶舖一味。造成藥散。係用茶舖一味製造。斷無殺人之理由。並一面當衆將茶舖一味。造成藥散。乞衆嘗試之。一面書立誓章一紙。當天焚化。以堅衆信。以期卸罪。而免株累。乃紳始得其方。自後救人千萬。並無復發。誠為疳積之奇方也。

### 小兒疳積傷眼藥散方

正膽礬<sub>二錢半</sub> 枯礬<sub>二錢半</sub> 文蛤粉<sub>二錢半</sub> 硃砂<sub>七錢</sub> 海螵硝<sub>二錢半</sub> 浸淡  
右研極幼末。磁瓶收儲。凡一二歲每服一分。三四歲者每服二分。  
五六歲者每服二分半。七八歲者每服三分。九十歲者每服三分  
半。皆用蓮子七粒。煮粥調服。或用瘦豬肉蒸食。或用羊肝蒸食。俟  
全愈後。再用豬肝五錢。韭菜五錢。炒熟。空腹食之。以除其根。則無  
復發。但須戒食無鱗魚。及生雞鯉魚。一切煎炒。辛香熱毒。肥滯糖  
果。生果等物。

### 鮑學台種子方

熟附子三錢 川杜仲三錢 川厚樸三錢 人參四錢 熟牛膝三錢  
北細辛五分 法半夏三錢 沙參二錢 乾薑二錢 川芎二錢

茯苓三錢 白薇三錢 防風二錢 秦艽三錢 桂心三錢  
右藥共研幼末。煉蜜為丸。如桐子大。每日空腹服五十九。連服數  
日後。則陰戶陽物。必有異於平時。此乃藥力所到。但仍須暫耐。未  
可交媾。繼服數日。然後媾合。自必有效。倘初服數日。陰陽未見報  
作。則每日服多數丸。自必見效。此方凡寡婦處女。及丈夫外出者。  
切勿誤服。如無人參。則用花旗高麗防黨代之。

### 翟府種子仙方

兔絲餅一兩五錢

龍骨<sub>二兩製</sub>

靈仙一兩五錢

茯苓一兩五錢

車前子一兩

燈心一錢

牡蠣<sub>二兩製</sub>

木通二兩

木香五錢

遠志肉二兩

沉香二錢

故紙兩半 歸身二兩

萸肉兩五錢

蛇床子五錢

牛膝一兩

丁香二兩

全蝎<sub>兩五錢去頭足</sub>

肉苁蓉兩半

桑螵蛸兩半

大蜘蛛七隻

巴戟肉二兩馬蘭花二兩

陰乾

熟地黄三兩

右研幼末。煉蜜為小丸。在婦人經期前之十二三日服起。每日臨睡時。男婦各服三十九。以糯米酒送下。在服丸時。須戒房事。以養精血。連服至婦人經淨之夜交媾。自然應效。但該丸服至十日之間。陰戶陽物。必有異徵。此時切勿行房。以至自悞。據傳方者稱。翟君年已七十。其妻亦已六旬。身儂脚痿。頹暮已形。乃服該丸後。經水復行。連生三子。聞者見者。莫不嗟異驚奇。適其鄰右有張氏寡婦。年已六十有奇。誤以該丸為平常滋補劑。竊而服之。後竟生一無骨之兒。蓋寡婦乃係孤陰無陽配合。所以無骨云云。此語雖或言過其實。而此方之製造。允稱為種子之妙方。即可無疑矣。

神授種子方

法用十靈吉日。或成日。開日。與男女本命相生者。於早晨面向東方。端身靜坐。口吸生氣一口。用新筆淨紙楷書五更露結桃花寶。二月春生燕子窩十四字。每書一字。吸生氣一口。細念咒語一遍。咒曰無私也。無遺也。寂而不動。感而遂通。筆停口停。即將此字貼於床頭。俟妻妾經淨後。二十四小時內。或三十六小時內。天氣清爽。精神健旺。於五更時交媾。自必成孕。如或是月天氣人神不和。則於下月再如法為之。但寫符之時。須避雞犬。及有孝服污穢之人。否則不靈。

婦科種子散

凡遇婦人月信無病。惟久不受孕者。此方如神。

丹參曬乾研末。每日用陳酒調服二錢。連服二月自效。

赤脚大仙種子丸



肉蓯蓉二兩 麗參二兩 鹿茸二兩 龜膠二兩 枸杞二兩  
石菖蒲二兩 淮山二兩 北味一兩 黃肉二兩 炙耆二兩  
柏子霜二兩 巴戟二兩 黃芩酒炒一兩 知母二兩 熟地二兩  
遠志肉一兩 絲餅二兩 天冬二兩 原麥冬二兩 小茴二兩  
川杜仲二兩 茯神二兩 牛膝一兩 川連二兩 生地二兩  
右共研末。煉蜜為小丸。鹽湯送下。每服三錢。

魚鰾種子丸

此方乃雲南大理府周家所珍藏者。其祖父生平樂善好施。惟年老無子。後得異人傳授此方。勸以長服。初服月餘。即覺體健神強。耳聰目明。後常服之。連生七子。壽至九十七歲。無病而終。

酒歸身四兩 淫羊藿四兩 去邊 羊油炒 白蓮蕊四兩 肉蓯蓉四兩

川杜仲四兩

炒

兔絲餅四兩

沙苑四兩

分四樣製一青鹽一陳酒一童便一乳各拌炒

茯苓二兩

杞子二兩

川連二兩

牛膝三兩

故紙三兩

鹽炒

熟附子兩半

桂心一兩

黃花魚鱉八兩

牡蠣粉炒成珠

右藥依法製研為幼末煉蜜

為丸如桐子大。每早用鹽湯送下百丸。晚用黃酒送下百丸。自效。但體質素熟者。減輕桂附二味。此二方皆治身體虛弱。或因手淫過度。虧損元陽。或因酒色過度。精力頹喪。凡頭眩耳鳴眼花。四肢無力。或自盜汗。下元虛損。夢遺精滑。陽痿不振。或男子心腎虛極。精寒髓冷。欲而不舉。舉而不堅。或女人血寒氣弱。子宮冰冷。赤白帶下。月信不調。久不受孕者。凡一切諸虛百損之人。服之無不立效也。

產後腸出不收方

驗方宣秘

卷上

產後腸出不收方

五十三

枳壳二兩。煎水溫浸陰戶。冷則易之。數次自效。此症即俗人呼為陰蛇者是也。

又方

新鮮鯽魚頭焙枯研末。將一半搽於出腸。將一半以調酒服自效。

又方

生白鶴一隻。宰淨不到水。用香信四兩。糯米酒一觔。生薑一兩。共同蒸熟食之自效。

胞衣不下方

取青荖葉自然汁一小杯。與產婦服之。其胞衣即縮小而下。此屢驗之奇方也。

臊癆方

凡婦人產後未滿百日即行房因而致嗽潮熱者名為膝癆也此方治之。

犀角

一錢先煎

羚羊

錢半先煎

蘇木

四錢

黃芩

三錢

紅花

一錢

桃仁

錢半去皮

丹皮

錢半

知母

一錢

梔子

錢半生

生地

二錢

赤芍

二錢

膽星

歸尾

一錢

法夏

錢半

茯苓

二錢

茜根

二錢

陳皮

八分

甘草

黑梔子

錢半

川貝

三錢

川連

二錢

生軍

三錢後下

金釵斛

三錢先煎

右用淨水煎加入牛黃末五分。

田七末一錢。

和勻服。

分數次服完。

此方神效無比。

### 金山寺婦科種子丸

此方專治婦女五勞七傷體倦心煩月信或前或後或多或少或一月數行或數月一行或色淡瘀黑或腰痛腹痛頭眩眼花不思

飲食。或赤白帶下。或子宮冰冷。久不受孕。與及小產胎漏血崩等症。無不神效。

熟地四兩 龜板四兩 醋炙 丹參三兩 砂仁四兩 忌火 香附四兩 製 白朮二兩

木香兩半 忌火 歸身四兩 白芍二兩 酒炒 川芎三兩 醋製 北耆三兩 炙 黃芩八錢

鬱金兩半 川斷四兩 酒洗 益母草六兩 製 延胡索三兩 醋炒

右藥共研幼末。煉蜜為丸。每重四錢。每服一九。先用薑酒或艾酒燉化。待至三更後。鷄鳴時服之。連服數夜。諸病俱愈。且能種子。但服丸時。須戒房事。並戒生冷魚腥雞麵等物。此方治驗甚多。幸勿輕視。

產後房勞方

此症俗名百日雞。實因產後未滿百日。遽爾行房。致成癆傷。法用

生茅根二觔。生桑白皮一觔。共煲水三大碗。去渣入金錢龜一隻

紅棗三十二枚。豬脾一條。共煎成濃汁一大碗。去渣放於鑊上。用熱去尿

水蒸煖。俟病者睡甜之時。忽然叫醒。與之服完。再如法製服。二

服後。則必全愈。此方靈效非常。曾救多人。方內豬脾即俗名賺貼。

### 又方

雞柿筋一條。連枝葉。煲豬瘦肉。出渣服之。四。五服即愈。此藥羊城

小北門外紫微廟前常有。

### 撞紅方

大黃錢半。黃柏一錢。蘇木錢半。生梔錢半。犀角錢半。知母錢半。

車前一錢。丹皮一錢。黑梔一錢。滑石一錢。生地錢半。甘草錢半。

桃仁一錢。銀花一錢。萸肉一錢。共用水煎好。和酒服之。自效。

又方

犀角尖二錢半先煎生地六錢元參四錢澤瀉四錢丹皮二錢半大棗二枚

車前子四錢甘草梢八分生側柏葉五錢生燈心一束

右藥清水煎服。三四劑。雖日久而必愈。

又方

知母五錢赤芍五錢木通五錢銀花五錢赤茯五錢麥冬五錢  
原粒打

甘草三錢黃芩五錢滑石二錢菽朮二錢紅花二錢清水煎服。輕

者一服。重者三四服必愈。如過十日以上者。加蘇木三錢生燈草

心三錢共煎服。

又方

桃木葉。龍眼葉。共搥爛加白糖數錢。以生熟水衝服一碗。再加

白菊花錢半。歸尾錢半。紅花錢半。蘇木錢半。桃仁錢半。去皮去水煎數沸。加入白酒半匙。再煎服之。自愈。

又方

酸羊桃嫩葉。龍眼木嫩葉。槌自然汁和酒服之。自愈。

又方

蘇木三兩。以水五碗。煎回半碗。和酒服之。服後喉嚨覺有涼氣。即宜照方再服。此方能治百日紅症。

產後房癆症必效方

此症因產後未滿百日。縱欲行房。或吐血。或痰涎。或吐白沫。漸而致嗽。潮熱。肌肉消瘦。醫治甚難。傷生甚易。此方經驗甚多。幸勿遲疑。自誤馬。法用崗嶺松木。上寄生之榕木。無論枝葉鬚根。均可採



用。每日取該榕樹四五錢。煲瘦肉食之。連湯飲盡。其效如神。垂死可救。但取該榕樹時。切勿放到地上。致沾土氣。方可奏效。

又方

死老鼠一隻。以日久有虫者為妙。原隻用鑊炒焦。研末用双料酒調服自效。或用老鼠屎冲服之亦效。

房癆傷寒方

此即俗所謂夾色症是也。法用

荔枝乾四錢紫蘇葉三錢檳榔三錢甘草錢半淨水煎服。

又方

沙梨葉十餘片搥爛用熱酒冲服。蓋被出汗即愈。

又方

青荖葉四片黃糖半片共嚼爛食之自效。

又方

紅皮蕃薯蒂豬腳尖共煲食之自效。

又方

蠔鼓一兩武夷茶一兩共煲水乘熱服之。蓋被出汗即愈。

又方

手指甲。腳指甲。生米七粒。用銅鑊炒焦。入清水一碗。煎數沸即去渣飲之。自愈。但男病須用女指甲。女病即用男指甲。且須係同交媾本人指甲。方能奏效。

又方

川破石四錢乾葛四錢甘草四錢共煎服之即愈。

又方

磁器碎。粗茶葉。榕樹倒約鬚。生鹽。共用鑊炒紅。放水煎濃。代茶飲之自愈。

又方

黃牛糞一團。如茶杯大。磁器末一合。生蔗尾二條。先將磁器末蔗尾切碎。加入生鹽少許。用鑊炒紅。放水煮滾。再入黃牛糞。去渣服之。如見口渴。即再用鬼羽箭煲水代茶飲自愈。

又方

檳榔一錢。靈脂一錢。青卷七片。白欖七枚。竹針二十五條。水煎和六一散一錢。硃砂五分服之自愈。

婦人血龜方

此症乃腹內結成癥瘕。每於月信時。小腹之內。有物一團騰起。痛苦難堪者是也。方用生麒麟木葉。海浙二味。切碎炒至紅色。和酒服之。連服數次。則腹內血龜自然散去。

又方

生大藍葉。搥爛沖熱酒服之。連服數次。自然化去。右錄二方。均極靈效。幸勿輕視。凡患此症。最易傷生。一至愈發愈密。愈痛愈苦。面黃肌瘦。全無胃氣。屆時即難瘳矣。

預治產婦中風氣厥等良方

凡孕婦身體虛弱。產後每患中風氣厥等症。宜將該婦平日所著之貼肉厚布汗衫一件。用老生薑半觔。搥爛取自然汁和米漿水。

以漿汗衫。陰乾。再漿。以漿盡薑汁為度。俟分娩時。即將此汗衫與產婦穿於身上。使薑氣薰其肌肉。可免中風氣厥等患。或兼用串炮薰法。更昭慎重焉。

### 串炮薰法

凡將分娩時。先預備千頭串炮數包。若平安無事。則將該炮移作別用。如遇中風氣厥等症。不醒人事。即用木飯桶一隻。燃着串炮一包。以鑊蓋覆蓋之。俟炮燒完。即將鑊蓋移蓋於產婦頭上。俾產婦索其炮味。一連燒蓋數次。雖極危亦可救回。救醒之後。再按產婦各方調治。自然平安。

又方。凡孕婦分娩後。宜用冬菰三兩。放鑊炒至焦黑。入醋一碗。煎透。去渣取起。每日飲多少。可免一切產後之患。